



浙江圖書館

海
昌
外
志



浙 江 圖 書 館



海昌外志

人物志

館

素林談遷孺木著



地以人重得其人僻壤亦鄒魯也吾寧山水率露幸潮汐日滿湃
而上風氣不散自江左來白駒之節光動雲蘿迨於唐宋才賢踔
厲黼黻皇猷南渡時神理欲盡而生氣不衰皇朝張天網以羅之
俊民應運而興經濟文行卓手可紀豐玉荒穀各有攸當即彼方枝
列女立釋之流要有獨至母或遺之矣作人物志

儒林

浙

梁

戚袞字公文祖顯齊給事中父霸梁臨賀王府中兵叅軍袞少聰慧

儒林

游學都下受三禮於國子助教劉文紹一二年中大義略備年十九
梁武帝策問秀茂以周禮禮記義登高第除揚州祭酒從事令就
國子博士宋懷芳質儀禮懷芳北人自魏携儀禮禮記疏秘惜不傳及
將亡謂家人曰吾死後感生若赴便以儀禮禮記本付之若其不來即隨屍
而殯為儒者推許如此尋兼太學博士簡文帝在東宮召哀講論嘗宴集
玄儒之士先命道學互相質難次令中庶子徐摛馳騁太義問以劇談摛
詞辯縱橫難以答抗諸儒攝氣獨哀與摛往復精采自若領答如流簡
文深加歎賞尋除兗外散騎侍郎又遷兗外散騎常侍出為江州刺史仍
隨沈泰鎮南豫州泰之奔齊也逼哀俱行自鄴下遁還又隨程文季北伐
呂梁軍敗哀沒於周久之得歸仍兼國子助教除中衛如興王府叅軍太建
十三年卒時年六十三哀於梁代撰三禮儀記值亂亡失

十三年卒時年六十三哀於梁代撰三禮儀記值亂已矣

新坂

顧越字允南陳書作思南所居薪坡黃岡世有鄉校由是顧氏多儒學焉

祖道望齊散騎侍郎父仲成梁護軍司馬豫章王府諮議參軍家傳

儒業並專門教授越少孤以勤苦自立聰慧有口辨厲精舉業不舍

晝夜弱冠游學都下通儒碩學允造門質疑討論不倦至於微言

玄旨九章七曜音律圖緯咸盡其精微時太子詹事周捨以儒學

見重名知人一見越便相歎異命與兄子弘正弘直游聲譽日重

會稽賀文發兼經史與越名相埒都下謂之發越初為梁南平

王偉右常侍與文發俱入府並見禮重尋轉行參軍大通中詔

颯勇將軍陳慶之送魏北海王顥還北魏慶之請越參其軍事慶

之所向克捷直至洛陽顥遂驕縱又上下離越料其必敗引疾歸哉

至彭城慶之果見推劔時稱其見機及至除安西相東王府參軍

儒林

顥待攷

及武帝謨禮制旨新義選諸儒在所流通遣越還吳敷揚講說越徧
該經深明毛詩傍通異義特善老莊尤長論難兼二綴文間尺牘長七
尺三寸美鬚眉武帝嘗於重雲殿自講老子僕射徐勉舉越論議越
抗首而請音響若鐘容止可觀帝深贊美之擢為中軍宣城王記室參軍領
五軍博士仍命侍宣城王講大同八年轉安西武陵王府內中錄事參
軍尋遷府諮議及侯景之亂越與同志沈文阿逃難東歸賊黨教授
以爵位誓不受命承聖二年詔授宣惠晉安王府諮議參軍領國子
博士越以世路未平無心仕進因歸鄉栖隱於虎邱山與吳興沈炯同郡
張種會稽孔奐等每為文會紹泰元年復徵為國子博士天嘉中詔侍東
宮讀除東中郎鄱陽王府諮議參軍甚見優禮尋領羽林監遷給事中
黃門侍郎國子博士侍讀如故朝廷草創疑議多所取決咸見施用每侍講

東宮皇太子嘗虛懷禮接越以宮僚未盡時彥且太子仁弱宣帝有奪宗之飛內懷憤激乃上書言其故帝深感之而不能革及廢帝即位拜散騎常侍兼中書舍人黃門侍即如故領天保博士掌儀禮猶為帝朝夕講授甚見尊寵時宣帝輔政華皎舉兵不從越因請假東還或譖之宣帝言越將扇動藩鎮遂免官大建元年卒於家年七十所著喪服毛詩老子孝經論語疏四十餘卷詩頌碑志牋表凡二百餘篇

唐

褚無良量字弘度刻意墳典家臨平湖側有龍出人皆走觀無量尚幼讀書若不聞明經登第除國子博士兼司業修文館學士中宗南郊詔定儀典時祝欽明議皇后亞獻無量曰郊祀國子^之大事其折衷莫如周禮周禮冬至祭天圓鉅不以地配惟以始祖為主不以妣配故后無預祭之文惟漢有天地合祭

儒林

皇后叅享事末代躋神事不經見不可為法時有僕射韋巨源左欽明無量

議格玄宗為太子釋奠國學令講經建端樹義博敏而辨進銀青光祿大夫

及即位遷右散騎常侍兼國子祭酒封舒國公與左散騎常侍馬懷素更

日入內侍讀每至閣門親送迎之待以師傅之禮特為無量造腰輿在內

殿令內侍舁之五年正月將幸東都太廟懷姪崇謂太廟屋材皆符堅時

物不足異無量奏隋文帝富有天下遷都之日豈取符氏舊材立太廟乎

此特諛臣之言耳願陛下克謹天戒納忠諫遠諛不聽又言陛下所至名山大川

古帝王賢臣在祀典者並詔致祭願到東都收序唐初逮今功臣世絕者

雖在支庶咸得承龍衣帝是之詔無量祠堯平陽內府舊書自高宗時藏

宮中甲乙蒙倒無量繕錄補第以廣秘籍詔於東都乾元殿東廂部彙

整比無量為之始又詔秘書省司經局照文崇文二館更相檢讐采天

始一作使

熱比無量為之始又詔秘書省司經局照文崇文二館更相檢讐米天

下遺書以益闕文不數年四庫潔治帝詔羣臣觀書賜帛有差
已徙書齋心殿復詔無量纂修前切王太子諸王未就學無量進孝
經論語上曰朕知之矣乃還邨常亭等為太子諸王侍讀七年太
子齒曾於學詔無量升坐講學有官觀禮八年春正月卒年七十
五病困語厯正書未畢為恨帝痛悼詔宰相曰無量朕師今其永
逝宜用優典贈禮部尚書謚曰文無量篤孝母喪廬於墓左鹿犯
所植松柏無量號訢曰山林不之忍犯吾瑩樹耶由是群鹿馴優
不復振觸無量為終身不御其肉

宋

浙

張九成字子韶其先開封人徙居錢塘至於鹽官幼穎甚八歲默誦六
經父積書坐傍命客就試公答如響且置卷斂衽曰精粗本末亡二致

儒林

勿謂紙上語不足多下學上達某敢以聖言為法諸老驚嘆目為奇童
年十四鄉貢第一游京師從楊時學權貢托人致幣曰肯從吾游當薦
之館閣九成歎曰王良尚羞與嬖奚乘吾可為貴游客耶紹興二年上
將策進士詔考官直言者置高等九成對策略曰禍亂之作天所以
開聖人也今閭巷之人皆有父兄妻子之樂而陛下貴為天子乃冬
不得溫夏不得清昏無所定晨無所省感時遇物悽惋於心可不思
所以還二帝之轍乎願陛下以剛大為心毋驚憂自阻呂頤浩以凌景
夏詞勝九成帝曰士人初進須別其忠佞九成對無所畏避宜首選九
成以類試廷策俱第一特進一官喻樛子才謂今歲進士張九成當第
一凌景夏第二會風折大槐樛作二簡遺之授鎮東軍簽院大書屋
壁曰此身苟一日之間百姓羅無涯之苦民冒釭禁提刑張宗臣欲逮

壁曰此身苟一日之間百姓羅無涯之苦民冒讎禁提刑張宗臣欲逮

捕數十人九成爭之宗臣曰此事左相封來曰主上屢詔欽恤公不
體聖意而規望宰相耶宗臣怒九成即投劾去簽笈雲集九成
遜辭不獲乃言曰幼而學壯而行大學平天下之道自格物入
夫子不踰矩之道自志學入一心之所營即經綸天下之業一身
之所履即綏定國家之事耳目乃禮樂之原夢寐乃居處之
驗諸君亦浮求而自得之以無愧所學可笑出其門者多為向
人趙鼎薦於朝遂為太常博士名既至改著作佐郎遷著作
言我宋家法曰仁而已仁之發見尤在於刑陛下以省刑為急而
理官不以恤刑為念欲詔理官活幾人者與減摩勘從時樊光
遠汪應辰連魁殿省帝向為門人曰臣不敢以利祿之說誘門人
惟知誦明徑術庶盡忠孝尋除浙東提刑力辭乃與詞以歸未幾

名除宗正少卿兼權刑部侍郎法寺以大辟成案上九成院始末
得其情因請覆實囚果誣服者朝論欲以平反九成曰賊在詳刑
可邀賞乎辭之尋兼侍講進讀春秋因言日食之變本於惡氣
惡氣之萌本於惡萌念惡念所觸則日月薄蝕五星失次災及
五穀怪妖迭見為兵為火札瘥並至願陛下正心術以格天帝聳
然曰當為御戒之嘗有所奏帝曰朕只是誠曰陛下對群臣如
此退居禁中如何帝方徑營答語曰只如此便是不誠帝常向
易牛繼事孟子謂是心足以王何也曰陛下不須疑則心與道
二不忍一牛仁心著見此則王道之端推此以往華夏垂穎根
英鱗介皆在陛下仁政中豈非王道乎又問顯俊尊上帝對
曰陛下之心即上帝也招徠賢俊格非心於未萌是乃所以

尊之也金人議和九成語趙鼎曰金實厭兵而張虛教以撼中國因言
十事彼誠能從我則與和使權在朝廷鼎既罷秦檜誘之曰且成
檜此事九成曰某胡為異議特不可輕易以苟安耳檜曰立朝須
優游委曲九成曰未有枉已而能直人者帝向和議曰敵情多詐不
可不察因在經筵言西漢災異事檜甚惡之九成見上面奏曰外議
以臣為趙鼎之黨雖臣亦疑之上向其故曰臣每造鼎見其議論無
滯不覺坐久則人言為鼎黨止足怪也再章未去謫守郟州既至
倉庫虛乏僚屬請督酒租宿負苗絹未輸者九成曰縱未能惠民其
故困民耶是歲租入更先他時中丞何鑄論其矯偽欺俗傾附趙鼎
落職丁父憂既免表秦檜取旨上曰自古明黨畏人主知之此人獨無
所畏可與宮觀先是徑山僧宗杲善談禪理從游者衆九成時往來

其間檜怒其議已會司諫詹大方言頃者鼓唱浮言九成實為之首徑
山僧宗杲和之乞投遠方以為傾邪之戒編置南安軍在南安十四年
每書就明倚立庭磚歲久雙趺隱垂廣帥致羸金九成曰吾何敢取尚
悉歸之自號橫浦居士檜死以秘撰起知温州戶部遣吏督軍糧民苦
之九成移書痛陳其弊戶部持之九成即丐祠歸數月紹興乙卯卒
上嗟悼復敷文閣待制官其弟若子四人學者稱無垢先生所著尚
書大學中庸孝經論語孟子說無垢錄橫浦心傳行於世論自贊曰
不務尋常怪異經術不師毛鄭孔王文章不從釋柳班楊詩不識
江西句法作字不襲二王所參禪則不記公案為政又不學龔黃謫在
大庾嶺下十有四年歸來惟白髮鬚滿面而意氣尚是飄揚咄其
沒轉智度漢陰丈人而無用處底楚狂接輿也與理宗寶慶元年

、月、年、日、時、分、秒、張九、成、正、色、立、明、省、中、興、明、道、之、功、加、贈、太、子、太、師、崇、國

沒轉智度漢陰丈人而無用處底楚狂接輿也與理宗寶慶元年

八月壬子詔張九成正色立朝有中興明道之功加贈太子太師崇國
公謚文忠宋史稱九成研思經學多有訓詁然早與學佛者游故其
議論多偏朱文公雜學辯曰張公始學於龜山之門而逃儒以歸於
釋既自以為有得矣而其釋之師語之曰左右既得欄柄入手開導之
際當改頭換面隨宜說法使殊塗同歸則佳世出世間而無遺憾矣
此語亦不可使俗輩知將謂實有恁麼事也見大慧禪師與張侍郎
書今不見於語錄中蓋其諱之也用此之故凡張氏所論著皆陽儒
而陰釋其離合出入之際務在愚一世之耳目而使之恬不覺悟以入
手釋氏之門雖欲復出而不可得本亦指意略其所受於師者其二
本殊歸蓋不特莊周出於子夏李斯原於荀卿而已矣竊不自揆
常欲為之論辯以曉當世之惑而大本既殊無所不異因覽其中庸

儒林

說姑撮其尤甚者十二著於篇其他如論語孝經大學孟子之說不暇
偏為之辯大抵匆遽急迫其所以為說皆此書之類也

國朝焦竑曰張子韶於性命極透徹其忠孝大節尤踔絕然其幼
年是何等志操方處學舍衣食不備夜讀書每至達旦富人或以
衣物見惠力辭不受或不已而受之即以予同舍之貧者嘗曰士處
貧困正是用功時若不痛自節抑則貪戀必生庶恥盡喪功夫
安在子韶吾輩稱為宗匠然亦嘗如此屬志否

談遷曰無垢先生於學有深悟而晦翁力辨之謂其禪也夫無垢之
有大慧周濂溪獨不有壽涯手經術宦蹟生平無愧而因一二交
契遽為此議必苛矣學期有得雖禪何碍并叙其近禪者以
侯博攷云子韶未第時因客談楊文公呂徵仲諸儒皆由禪學

而至心慕之間寶印楚明禪師道傳大通居淨慈請向入道之要
楚明曰此心惟念、不舍久、純熟時節到來自無記入復舉趙州
柏樹之話令時、提撕久之無省辭謁善權清禪師向此事人、
有分个、負成是否清曰無曰為甚某無入處清於袖中出數
珠曰此是誰的公俯仰無對清復袖之曰是汝底則拈取去才涉
思維即不是汝底公悚然未就留蘊氏館一夕如廁以柏子語究
之聞蛙鳴殺釋飛契入有偈曰青天^月夜一聲蛙撞破乾坤只一豕
正恁麼時誰會得嶺頭脚痛有玄沙屆期明謁法印一禪師機
語頗契適私忌就明靜庵供雲水主僧惟尚總見乃展手公便唱
惟尚批公頰公趨前惟尚曰張學錄何得謗大般若公曰某見處祇
如此和尚又作麼生惟尚舉馬祖升堂百丈卷席話詰之

儒林

馬祖升
堂衆才

集百丈出卷 叙語未終公推倒桌子惟尚大呼張學錄殺人公躍起

席祖便下堂 向旁人僧曰汝又作麼生僧又因措公歐之頤惟尚曰祖稱不了殃

及兒孫惟尚大笑公獻偈曰卷席因緣也大奇諸方聞舉盡攢眉

臺盤趯起到人星散直漢從來不受欺從來高價不饒奇百戰

場中奮兩眉奪角衝前君會也叢林誰敢更相欺紹興癸丑魁多

士復謁惟尚於東庵惟尚曰浮山負鑑云饒你入得浮陽室始到

浮山門亦未見老僧在公作麼生公既侍僧曰何不祇對僧因措

公打僧一掌曰蝦蟆窟裡果勝蛟龍了已秋大慧董徑山學者仰如

星斗公閱其語要曰是知京門有人特以語惟尚恨未一見及為礼

部侍郎偶忝政劉公請大慧說法於天竺公三往不植暨大慧

報謁公見但寒暄而已大慧亦默識之尋奉祠還里至徑山與

為合... 者公... 議格物大慧曰公... 祇知有格物而不知有格物公... 茫... 茫...

馮給事諸公議格物大慧曰公祇知有格物而不知有格物公茫然
大慧大笑公曰師能開踰乎大慧曰不見小說載唐人有與安
祿山謀反者其人先為園守有西像在焉明皇幸蜀見之怒令
侍臣以劍擊其像首時園守居陝西首忽墮地闕頓領深首題
不動軒壁曰子韶格物妙喜物格欲識一貫兩個五百大慧始許
可後守韶陽丁父艱過徑山飯僧秉釣者誡大慧議及朝改遂廩
大慧於衡陽會公居家守服除安置南安丙子春蒙恩北還道
次新塗而大慧適至與聯舟劇譚宗要未嘗語往事蓋先生之禪
門本末如此朱氏辨為雜學夫先生果雜乎哉仲尼不以左眊累
先生乃以大慧累也不得不詳其說

施德操字彥執學有本末主孟子排釋氏曰絕人倫漫等級棄禮樂

儒林

仁義不用謂能躡造字無此其勝處梳之以道尚自倒易况又歸荒
幻報應誑愚取資則尤為世蠹因著論以曉末俗作孟子發題曰孟
子有大功四明浩然之氣道性善闢揚墨黜五霸而尊三王皆前聖
之所未言六經之所不載有功於名教終身不娶學者稱為持正先
生張九成曰吾友施彥執工於詩一日見其賦柳春風兩岸客來往紅
日一川鶯去笛不見柳而柳自在其中語忘工矣彥執讀杜詩至風
吹客衣日杲樹攪離思花冥而有得即暉曰彥執與橫浦游從
頗厚文章學問亦其輩流也病瘵而沒識者悲之生平論纂甚
富未暇彙錄

浙

談遷曰持正先生學主孟氏而終身不娶孟氏不曰無後為大
耶先生要有獨見非敢輕議即暉之謂論纂甚富今

隻字不傳悲夫

揚璿字子平安貧樂道不妄取與尤慎獨居暗室猶在康衢學者
稱謹獨先生淳熙四年全魏伯恂祠張子韶施產執揚子平三先
生尚書程大昌有記

館

明

董澐字子濤徙居漱浦少慷慨慕義嘗割私產讓兄還友人所質
田且經紀其表好吟咏至忘寢食家徒壁立不向晚從王陽明先生
誦學盡棄其舊習人或非之澐笑曰吾自從吾所好因號從吾道人
沙門法聚亦游陽明門澐再結社海門寺參証內典許相卿曰始予
見從吾子專於詩遺其家甚難之後志於道遺其詩甚愧之終入
於佛嗒然自遺也愈益怪之莫能窺已蓋從吾子學三变卒歸於
空將所吾者且見為妄云澐臨沒時偈曰我非汚世中者儔偶來

儒林

七十七春秋自知此去無些染一道天泉月自流澗詩集傳

從吾道人記

王守仁

海寧董蘿石者年六十有八美以能詩聞江湖間與其鄉之業
詩者十數輩為詩社旦夕操紙吟鳴相與求句字之工至廢
寢食遺生業時俗共非笑之不顧以為是天下之至樂矣嘉
靖甲申春蘿石來游會稽向陽明子方與其徒誦學山中以杖
肩其瓢笠詩卷來訪入門長揖上坐陽明子異其氣貌且年老
矣禮敬之又詢知其為董蘿石也與之語連日夜蘿石辭彌謙
禮彌下不覺其席之彌側也曰吾見其世之儒者支離鎖屑
修飾邊幅為偶人之狀嘗不屑其所為以為世豈有所謂聖
賢之學直假道於是以求濟其私耳故遂薦志於詩而放

長生山水今吾向夫子忽若火家之得醒吾非至若夫子之門

浪於山水今吾向夫子忽若大寐之得醒吾非至於夫子之門
則虛此生矣吾將北面夫子而終身焉陽明子曰有是哉吾未或
見此翁也今之後生晚進苟知執筆為文辭稍記習訓詁則已侈
然自大不復知有從師學問之事則閤見有或從師學問者非笑指斥若怪物以
能詩訓後進從之游者徧於江湖蓋居然先輩矣一旦向予言而棄
去其教十年之成業如敝屣求北面而屈體焉豈獨今之時未見若
人將古之紀載若所傳六未多數也夫君子之學求以變其氣質
氣質之難變者以容氣為患不能屈下於人遂至自是自非飾非
長傲卒歸於克頑鄙俗故凡世之為子而不能孝為弟而不能
敬為臣而不能忠者其始皆起於不能屈下而容氣之為患耳苟
惟理自從而不能雜於屈下則容氣清而天理行非天下之大勇不足

與於此則如蘿石固吾之師也而吾豈足以師蘿石乎與之探禹
穴登爐峯陟秦望尋蘭亭之遺跡徜徉於雲門若耶鑑湖剡
曲蘿石曰有所同益充而有得欣然樂而歸也其鄉黨之子弟
親友與其平日之為社者或笑而非之或為詩而招之反且曰翁
老矣何乃自若苦是耶蘿石笑曰吾方幸逃於若若海揚鬢者
振羽雲霄之上安能復投網罟而入樊籠乎去矣吾將從吾之所
好遂自號曰從吾道人陽明子聞之嘆曰卓哉蘿石血氣既衰孰
能挺持奮發若少年英銳者之為乎斯可謂之能從吾所好矣世
之人從其名之好也而競以相高從其利之好也而貪以相取從其
心意身目之好也而詐以相欺亦皆自以為從吾所好矣豈知吾之
所謂真吾者乎夫父慈子孝忠信篤敬真吾之好也天下之所同好

也將富貴貧賤患難夷狄無入而不自得斯之謂能從吾之所好也

也將富貴貧賤患難夷狄無人而不自得斯之謂能從吾之所好也
已夫子嘗曰吾十有五而志於學是從吾之始也七十而從心所欲不
踰矩則從吾而化矣蘿石踰耳順而始知從吾之學母自以為既晚
也充蘿石之勇其直於化也何有

夜宿家弟栖碧堂

書

董灑

仙人袖出白芙蓉笑倚青霞情我書風露一天衾枕淨蘋江六
月草堂虛

嘉靖丙戌之除從吾道人自海寧渡江來訪因共守歲是

夜風雪道人有作予因次韵為謝

王守仁

多情風雨厲三餘滿目湖山是舊廬况有故人千里至不知今
夜一年除天心終古原無改歲事明朝又一初白首如君真洒

儒林

脫取隨兒女，慙分裾。

書扇

君家只在海西隈，日暮寒潮去復迴。莫遣扁舟成大別，爐峰明

月望君來

書

董穀碩甫澧之子，正德丙子舉於鄉。五試南宮不第。嘉靖辛丑，令安義，調漢陽。廉靜不苟，坐他忤歸。好學，工詩文。安貧自怡，從游陽明先生，門悟儒釋合一之旨。所著《泰龍子》四存，碧里前集、後集、澹水志、金陵佳太史、竑曰國朝以道術著者不少，至能世其學者，心齋之子東崖、蘿石之子兩湖二家而已。

浙

性論略

六合之內有萬不齊，其前無始也，其後無終也，不得已求其情。

大維一虛而已，萬象充塞於天地之間，即是太虛含萬象則

狀惟一虛而已萬象充塞於天地之間即是太虛含萬象則
無太虛究其實一性而已是性也至虛至靈即辭即用生天
生地為人為物無終無始歷萬古不滅非不滅也子產所謂
用物弘而取精多則粘新帶舊情親境熱不能滅也人謂物
中之靈然亦非有一定之靈或自靈而蠢或自蠢而靈謂
之善蠢謂愚者以漸為蠢而至于夷狄禽獸自夷狄禽獸漸
靈而為人者亦有之善者以漸而靈至於大賢君子自大賢
君子漸蠢而為物者亦有之萬種不齊無非此心之所成立
自非同天之聖脫盡習氣亡有能免焉者今人所以不信者
不悟死生之變與晝夜異雖有久近即是一道理乃為目前
景物所亂遂生虛實有無之疑殊不知虛者固虛而實亦非

者

六合之內有萬不齊其前無始其後無終也不得已求其情

實也無者固無而有者亦非有也萬有皆虛無虛無生萬有
惟心所運杳無端倪蓋不獨所性為亟而貌之吉凶身之窮
達命之厄促亦皆此心之胚胎先儒不悟乃歸咎於氣質不知
氣質之不美心實為之無心則無氣質氣質不美心之別名
變化氣質者變化其心身豈氣質自能變化哉聖人言性相
近習相遠相近者不同也相遠者亦不同也相遠之不同既
由於將來之習則相近之不同安知不由於既往之習乎世
有先後而工夫則一今世之功夫亦為來世根柢故習於善
則善而來世之進善也益易習於惡則惡而來世之向善也
愈難以是存心蓋不惟可以明性將見志益堅而修益力未
見詭於聖矣曰是則亟矣極本窮源畢竟何以有善惡之異

曰是亦可知也愚於釋典見具有顯識之論後讀文中子亦
曰氣為上形為下識都其中於是信儒釋無二道也夫識也
者神識也即心性之別名也自其本體而言謂之氣自成其
質而言謂形之自其虛靈不昧根柢品彙而言謂之性只一物
也隨在而異稱蓋無聲無臭之體不能不聚而成形舍形亦
無有所謂體矣形之所在知覺生焉故謂之曰心之體段
知而無知無知而知鑑空衡平原是無聲無臭則固無碍於
性也惟其處世既久應酬既熟則又轉而成識遂有無形之
形於方寸間能分別爾我記憶往事乃至夢中追思尋繹飛
揚變化曾無寧息人但知日用應酬較計利害博尚強記千
貌萬狀態曰此即心豈知已非本然之體矣或超凡入聖或認

賊為子皆此識為之識出於性而性不能命識由其自昧本
辭各成一家耳然則相近之性其即有覺之心而漸離之識
也與加之習寧不相遠然則治識之道何曰性辭本虛以虛
治之而已識出於無情則為善而上達識生於私意則為惡
而下流大學誠意貴於無欺正心戒於有所欺有所識斯
為性病矣愈久愈病則去人愈遠善惡之分如是而已或靈
或蠢無非心所自為而氣質奚罪焉性累氣質非氣質累性
也曰然則人物之生於天地間只有此數往、來、而不絕
乎孰主張是不亦太勞乎據手曰無教也人物道塞彌滿於
天地間雖有往來即是天地之化育天地之力亦不能外此
而別有所生畢竟雖天地亦非此虛靈建立而無實辭舍物

則亦無天地矣天地亦一物也要皆虛靈自生非真有一定之
天地以生之庶亦無典守之者佛氏所云剝燒春磨亦起於人
心妄念妄成而非實有妄念膠固自生鬼見即成實境而實受
之蓋各生於心則各求其類恩怨勝負與平日無異皆由求之
發見豈有他哉蓋不惟幽冥為然今人生於世自縲紲囹圄鞭
笞殺僇以至安富尊榮飲食宴樂亦皆妄心所作妄心自受而
妄形無與也不然今已死之人其形尚在加之刺割不復痛楚
則生而知痛者誰與蓋陰陽晝夜幽明生死原無二理此心之
外孰為真實者耶推而至於前代亂離之際禾黍故宮蕭條千
里春燕巢於林木此不但盛極而衰實惡極而變是亦人心所
致故幽明感應之道無有不本於心者易曰精氣為物游魂為

變記曰骨肉斃於下陰為野土其氣普揚於上為昭明蒼蒿
悽愴此百物之精也神之著也則其不散可見矣季札吳之
賢公子葬子嬴博而曰骨肉復歸於土命也魂氣則無不之
也莊子林類曰死之與生一往一反故死於是者安知不生
於彼賈誼能知鬼神之本者其鵬賦亦曰化為異類兮夫又
何患此皆葱嶺未通時中國之說已然矣又何疑哉
董毅性論一篇參入王新建之室矣

浙

忠直

唐

頁上即字清在元朝和當所人五世祖之惟北齊黃明侍郎始為京兆

顏真卿字清臣先瑯琊臨沂人五世祖之推北齊黃門侍郎始為京兆

長安人祖昭甫華州刺史父惟貞薛王友

兩浙名賢錄傳顏真卿傳祖昌任鹽官州判未

及一年卒遺子必寧幼孤逐家焉及改州在元之元貞初隋唐間

未嘗為州也昌何因為之判豈武德中鹽官屬東武州悞東武州為鹽官

真卿博學事親孝開元二十二年進士授監察御史使河隴

州耶 决五原冤獄天久旱而雨都人呼御史雨遷殿中侍御史以楊國忠

忌出為平原太守度安祿山必反因霖雨增俸濬隍料丁壯儲倉

廩日與賓佐泛舟飲酒以紓其疑及河朔盡陷真卿以平原博平

兵七千人防河津使參軍李平馳奏玄宗喜曰河北二十四郡俱陷吾

不識顏真卿作何狀乃能如是時平原有靜塞兵三千益募得萬人

以李揆交統之誓師泣下衆益感厲饒陽濟南清河鄆郡景城長吏

各來附會都陷賊黨段子光傳李愷盧奕蔣清者徇河北真卿恐衆

忠直

懼詔曰吾素識燈等其首皆非是乃斬子光藏三首他日結芻續體
為位哭之從兄常山太守景卿斬賊將李欽奏等清土門十二郡同
日自歸推真卿為盟主兵二十萬絕燕趙詔拜戶部侍郎尋加河
北招討採訪使用清河李萼計與兵六千出程千里之師逐捷棠邑
及賓蘭進明戰敗會平廬游奕使武陟劉客奴以漁陽歸真卿欲堅
其意遣判官賈載越海遺軍資十餘萬真卿時一子才十歲使諸客
奴為質軍中因請留之不從肅宗即位拜工部尚書賊益發兵乘虛
急攻河北復陷真卿單身詣行在除刑部尚書兼御史大夫時持正
議改馮翊太守轉浙西節度使召為刑部侍郎李輔國遷上皇西
內真卿首率百僚上表問起居輔國奏貶蓬州長吏代宗立累遷
尚書右丞俄以檢校刑部尚書為朔方行營宣慰使說諭僕固懷

恩真卿言以躬子儀代懷恩可不戰而服也未行留知有事封魯郡公
元載議群臣白事宜先白長官長官白宰相詳可否以聞真卿力詆其
壅蔽永泰二年貶峽州員外郎旬餘改吉州司馬遷撫州湖州刺史
載誅揚館常袞薦之即日遷刑部尚書再遷吏部楊炎當國以抗
直改少師猶領使進太子太師并使罷之時李希烈陷汝州遣列將
取尉州圍鄭州東都震駭初盧杞不悅真卿欲出之真卿曰先中
丞傳首至平原真卿以舌舐面血相公忍不相容乎杞矍然起拜而
恨之益深因上問淮西事曰誠得儒雅重臣為陳禍福可不勞軍旅
而復顏真卿三朝舊臣忠直剛決名重海內可遣也詔下宣慰希烈
舉朝失色真卿至東都鄭叔則曰往必不免宜少需須後命真卿
曰事不避難臣之職也君命其可違乎至許欲宣詔希烈使卒千人

忠直

許遠字令威舉進士辟署劍南府中忌貶高要尉遇赦以監察御史將
兵守吐蕃安戎城安祿山反薦為睢陽太守至德二載張巡舉兵至
睢陽巡兵三千人與遠合兵六千八百人自以才不及巡請稟軍事一切
推決而專供兵糧戰具遠初積糧六萬石虢王巨以其半給濮陽濟陰
遠固爭之不能得被圍數月食盡士多飢死者皆夷傷氣乏遠殺僮
僕饗士至羅雀掘鼠煮鐵弩以食衆議東奔巡遠計曰睢陽江淮保障也
若棄之賊乘勝鼓而南江淮亦亡且卒飢衆行必不遠未幾城陷與巡俱被
執時安慶緒在洛陽尹子奇械送至偃師不屈死詔贈荊州大都督子
攻婺州司馬遠與巡同年生而長巡呼為兄德宗品至德以耒將相著
者巡遠為上貞元中復官遠他子峴大中時圖像凌烟閣睢陽立祠宋
真宗東幸過廟低徊歎巡遠雄挺盡節因以名其殿初唐大曆中巡

子去疾上書曰孽胡南侵父巡與睢陽太守許遠各守一面城陷賊入
自遠分巡及將校三十餘皆割心剖肌慘毒倍至而遠與麾下亡傷巡
臨命嘆曰嗟乎人有可恨者賊曰恨我乎曰恨遠心不可得誤國家若
死有知當不赦於地下故遠心向背梁宋人皆知之使國威表歟功業
隳敗則遠於臣不共戴天請追奪官爵以刷冤恥詔下尚書省議皆
以去疾証狀最明著城陷而遠獨生也且遠本守睢陽凡屬城以生致
主將為功則遠後巡死不足惑若曰後死者與賊則先死者謂巡叛
可乎當時去疾尚幼事未詳知且艱難以來忠烈未有先二人者不
可妄議輕重乃罷

被執示程千里

許遠

鼎烹且不避桎梏任相欺一死人臣事孤心天地知楚囚休對泣

漢將欲何施萬古綱常地男兒正此時

漢道未全盛神州何陸沉妖氛欺白日燐火照丹心
蘓武節還在包胥恨自深從容就歸路先拜獻陵陰

死別吟

睢陽睢陽兵力疲噫朔雲慘々妖氣吹噫吾欲死真男兒噫緩
我死兮將安為噫屍我東兮骨我西噫泉臺廟算能無施
左為風兮右為雨噫滌盪腥羶萬餘里噫死別死別斷腸兮
噫臨風泣血天還知噫此恨綿々上絕期噫

論

韓愈

李翰所為張巡傳頗詳密然恨尚有缺者不為許遠立傳遠雖
才若不及巡者開門延巡位奉巡上授之柄而處其下無所疑忌

竟與巡俱守死成功名城陷而虜與巡死先後異耳兩家子弟
才智下不能通知二賢志以為巡死而遠就虜疑畏而辭服於
賊遠誠畏死何苦守尺寸之地食其所愛之肉以與賊抗而不降
乎當其圍守時外無虬蟻子之援所欲忠者國與主耳而賊語
以國亡主滅懼之遠見救援不至而賊來益衆必以其言為信外
無待而猶守死人相食且盡雖愚人亦能數日而知死處矣遠
之不畏死明矣烏有城壞而其徒俱死獨蒙媿恥求活雖至愚
者不忍為嗚呼而謂遠之賢而為之手說者又謂遠與巡分城而守
而城之陷自遠所分始以此語遠此又兒童之見亡異人之將死其臟
腑必有先受其病者引繩而絕之其絕必有處觀者見其然從而
尤之其亦不達於理矣小人之好議論不樂成人之美如此哉如巡

遠之所成就如此卓之猶不得免其他則又何說當二公之初守也寧能
知人之卒不林棄城而逆遁苟此不能守雖避之他處何益及其
無救而且窮也將其創殘餓羸之餘雖欲去必不遠二公之賢其
講之精矣守一城捍天下以千百就盡之卒戰百萬日益之師蔽
遮江淮阻遏其勢天下之不止其誰之功也當是時棄城而圖存者
不可一二數擅張兵坐而觀者相環也不追議此而責二公以死守
亦見其自比於匡亂設淫詞而助之巧也

宋

史徽字洵美勤苦力學崇寧五年登第歷戶部郎中出為京西運
判徽宗下罪已詔罷京西逋賦徽悉焚其租籍進右司郎中病免
高宗初起司農少卿建炎三年扈駕京口同黃鍰過害贈左大中

忠直

夫石文殿修撰子龜年均年岑年其龜年岑年俱官員外郎

楊由義字宜之開封將家子建炎初父奉直以裨將扈駕臨安充安

撫司官兀朮犯都奉直捍敵經旬城破由義侍母謀令人辟地鹽官

金兵至謀令人携女沉運河中由義被執時十七金人解衣之日侍

兀朮由義思圖之書數十紙某官楊奉直子藏之柱隙求匕首不可

得貸所善小蕃次日至壁門則不容入後自秀州遁復執累日而返

漕薦不第吏部郎朱松延誨子熹奉直以修武郎致仕由義補

承信郎詞翰曲麁游從名勝後調臨安瞻軍酒課庫羨轉修武

郎隆興初金求唐鄧海泗之地盧仲賢奉使辱命由義請行以閣

門祗候為金國通問所審議官至金營折使拜元帥不屈日本朝

見宰相無拜禮此勝詎易屈耶至械繫月餘及歸遷通直郎制曰

黑店之為子木元此與獲成言之信鄭衆不對單于拜蓋其自推言之

黑肱之為子木先冀獲成言之信鄭衆不對單于拜蓋其自誓之
堅官至太府卿刑部侍郎卒里第朱熹嘗曰忠義大節夷夏
稱歎欲銘墓未果

楊九鼎字叔鎮由義之子因父任入官帥襄漕夔有善政後易利
僧帥天漢金超大散關九鼎疾驅駐河池賒復大散關又復阜郊
殺金元帥完顏阿璘金大憤益發兵至會蜀師招潰卒至鷄公嶺
海叛 遇害贈朝散大夫

元

龔瑾性慷慨慕義任 知州殉節墓安國寺後詩稿散佚不傳
其題蒼雪軒月浸蒼龍骨雪分翡翠斂九疑愁正漸清夢判書齋

明

忠直

呂忠字正誠世守禦所副千戶正德八年姚源盜王浩流劫浙
東檄忠往入辭其母語妻鄭曰汝善事之吾不暇內顧美屯開
化之華埠盜突至却卒以敵堅請避之忠怒力砮其背曰朝
廷養兵百餘年遂負之哉直前搏賊射殺十數人孤力遇害贈
正千戶世襲

林文貴本黃岩騎兵事呂忠征從忠死戰衆奔潰文貴疾聲
呼曰毋負主將獨挺長矛刺賊被擒不屈奴罵曰我國家命軍
詎從賊遂縛樹上剜心腹死

浙

董濤

風酸日薄牙旗倒華埠溪腥流血曉林生被縛心如鐵膝不
可屈頭可截罵賊高檠箭滿身續得杲郊千古舌古來鹽官

重豪傑唯陽播儒王公侯同死節弁草莽誰復設嗚呼
旆全六側微吳山香火分枕藪

姜楨守禦所百戶嘉靖三十二年從官軍擊倭海鹽城東死

事聞贈副千戶世襲

祝國字向美 十七行

乙酉三月丁亥禁中移牒城 二行

進禮正義示河具陽一朝夢覺吾還吾真昔祀乞納投

昇且媿 書義而榮守義而時時乃小室榮非所羨惟義

不干是心知身苦中白陳齋首盤桓居奇手俯仰之徒

愧而造次之曲端也歎

乙酉六月晦日序

官書圖

命久云 〇行

若國漢 〇行

周宗身 〇行

文苑

晉



浙江圖書館

千... 字... 令... 升... 先... 世... 浙... 蔡... 人... 大... 父... 統... 吳... 奮... 武... 將... 軍... 都... 亭... 侯... 父... 瑩... 丹...

干寶字令升先世新蔡人大父統吳奮武將軍都亭侯父瑩丹
陽丞徙家鹽官寶少勤學博覽書記初拜著作郎平杜弼功
賜爵閭內侯江左草創中書監王導薦領國史以貧求補山陰
令遷始安太守王導署司徒右長史歷散騎常侍著晉紀自宣帝
至愍帝五十三年凡二十卷書事婉直咸稱良史性好陰陽術數
撰搜神記二十卷劉惔曰卿可為鬼之董狐其註周易周官左氏
義外傳雜文集俱行世

唐

顧况字通翁至德二載進士志尚疎逸善柳渾李秘德宗時渾拜
相辟秘書郎况拜相遷著作郎坐詩累貶饒州司戶况工文兼長
小筆嘗求知新亭監曰欲貌寫海中山耳仍辟畫者王默為副

文苑

任丰年解綬去後居茅山號華山真逸年九十卒皇甫湜序其
集二十卷嘗曰自吾為頌况集序未嘗許人也其為名流歎重
如此子非熊有父風

元

朱圭字肅齋元慶元路學錄行著聞一時名公碩輔多所推重

尚書宣城貢師泰避地海寧闢東野草堂屢致教子鏹卒為巨儒

明

朱鏹字質夫國初授錢塘訓導薦升崖州寧遠知遠縣有惠政
海寧志特書為文人第一

題朱學錄送行詩卷

貢師泰

中朝諸老凋零盡一讀遺詩感慨多萬里還家猶俎豆十年為

客尚干戈秋風東海雲帆舉春水西湖画舫過此去太平應有
象杏花深處聽絃歌

送朱質夫赴寧遠知縣

館

貝瓊

萬里番禺自漢通乘槎有客氣如虹地介銅柱風烟外山涌
瓊臺雪浪中帝子旌旗何處向黎人衣服與_時同興來好和
蘓公語又度西南月半弓

圖

重過東野州堂有感

上虞謝肅

桃源久不到草屋半蕭疎鷗佔沉舟俗垂分破壁居僕温携酒
到酒隣送賣殘蔬未說干戈事黏_意且讀書

題小桃源卷

金華宋景濂

間說桃源路久迷世人長說_竟武陵溪不知自有神仙境只在海昌

文苑

湖水西

送朱質夫之寧遠

括蒼劉基

山槎八月泛天河
西鬢飄蕭爽氣多
海角晴光收瘴霧
洞門夜色起夷歌
枳叢百里淹仇覽
銅柱千年羨伏波
雲路同升珠去位
都門今袂奈愁何

題景初花鳥圖

會稽揚維楨

東風掃紅雨
春滿桃源洞
山禽啼江榭
喚醒劉郎夢

題朱肅齋山水圖畫

劉基

鄂渚輕舟未發
瀟湘倦客多愁
可恨一江春水
無情日夜東流

胡奎字虛白早著才名
楊廉夫貢泰甫器重之
嘗過望湖亭和蘓子瞻
詩有老人觀壁間所題
嘆曰六百年来無此詩
矣君非斗南先生耶言

詩有老人觀壁間所題嘆曰六百年來無此詩矣君非斗南先生耶言

訖忽不見故人稱斗南先生寧獻王間其才聘為府教授七年疾篤作
葵頌命子進於獻王、序其集行世金陵童尚書軒言奎泊舟采石
江上值李太白與倡和或即前閣附會之也望湖亭鷗外清波雁外山
望湖亭下繫歸舟夜深坐起占風信人在珠宮月在天楊妃教鸚鵡
誦心經春寒卯酒睡初醒笑倚東牕小玉屏早悟眼前空是色不
教鸚鵡念心經綠珠墜樓花飛金谷彩雲空玉笛吹殘步障風枉費
明珠三百斛荆釵那及嫁梁鴻江邊柳朝送木蘭舟暮迎征馬鞭
非箇離別苦生長在江邊北上行食蜜不知苦衣葛不知寒今晨出門
去始知行路難驚飈吹斷蓬沙磧何漫羸馬縮如蝟霜花大如錢
夜步黃河凍舟行不得前君賜轆轤轉我腸車輪盤王事有嚴程
去、勿憚煩勞孤落旄頭飛箭定天山會賦饒歌曲論功萬里還

賦石井送吳稅使還鄉

白頭烏啼井上桐，花落盡夜未風愁見還鄉吳季子恨無縮地
馬仙翁轆轤殺程腸應斷天柱峰頭思不窮試把丹泉分一掬慈
顏猶得駐春紅

答謝友人

小東門外野人家昨夜青燈定結花一片碧雲空在望半規明月
可能賒杖扶紫玉過眉瘦巾裹烏紗墊角斜明日更須來看竹
山瓶汲水自煎茶

盤餐粗糲笑貧家賴有東園罌粟花野水白鷗情自抑海天黃鶴
志何賒直須放浪趁形外更復留連到日斜向晚期看洛神賦十
三行畔坐分茶

寄賈彥德

鳳凰岡頭多碧梧，潁川之人安好無。
十年不寄一書札，兩地相思惟爾吾。
淮雲暮，莫天遠，楚水茫，秋雁孤。
想得臨池有佳趣，軟黃蠶紙寫官奴。

次頽友常見寄前韻

丹井前頭頽况家，子規啼處落松花。
憐予抱疾烟霞久，與子論文

歲月賒，海燕雨深茅屋小。

江魚潮上

石帆

斜有懷，只許詩傳

信相見，唯應酒當茶。

出郭訪賈惟敬不遇

出郭行吟野老家，桑條生甚棘生花。
別來似有三秋隔，到此曾無

二里賒。白鳥隨人頻在，黃茅蓋屋半欹斜。
遙知去汲烏龍井

細啜菩提寺裡茶

送姪從戎雲南兼東居椽史

我祖自南渡世為鹽官人家傳安定譜子孫多縉紳嗟汝英妙年
從戎萬里道漸蓬離本根骨肉豈相保憶汝別家日病婦在膏肓
小妹應門戶兩女終倚床一年一得書見書如見汝蹉跎十五年閱
盡寒與暑昨日奉軍貼倉卒暫還家兩女上堂拜不識去時爺朝
訪木棉花夜織椽中布裁為身上衣夢繞天南路天南有名將云
是漢嫖姚威毅振夷夏勳業著皇朝汝今向前去勿戀故鄉住生入
玉門國會遠有奇遇烏啼海東樹落月在城頭送汝北郭門霜花
滿征裘千金買寶刀豈若聊城箭魯連個僮生何曾歎貧賤洞庭秋
水落三峽夜猿哀船過瞿塘口還徑灩澦堆嚴程不可緩別去關山遠

縮地恨無方我腸轆轤轉轅門有知己遠惠白象梳瓊瑤無以報為
我謝區：

題馬公肅墓地瑞蓮

種花莫種忘憂草馬家池頭花更好去年一柄生西房兒在穎川歸故
鄉兒歸見花不見母一寸心如蓮的苦也知天與好兒孫哉青頭
聯牖戶公荷恰是似小兒拳迎門索素當母前勸兒食蓮須食蓼
辛苦讀書知味少願花並蒂年一開一度看花兒又來

寄東岡賈徵君

三月三日雨晴初東望東岡無鯉魚杜陵愛酒自多債太傅治安還
有書洛中牡丹少閒地江上燕子識吾廬木蘭舟掩桃花水頗悟近來

踪跡稀

朱祚字永年夙慧天授九歲能詩即補諸生有監司行部命解孟氏義
講論詳敏時稱為神長善楷書永樂八年徵肄詹事府尋為鎮遠候
家塾教官乙未進士上元觀燈賦上喜而賚之由是知名洪熙初用尚寶
少卿表忠徹薦擢行在中書舍人宣宗見其詞賦處之近密特陞翰林
修撰秩滿進尚寶司少卿命教中貴人書祚能詩文援筆立就負氣好
直言不恤毀譽晚稍自懲因號默齋且善談命言人禍福多中云正統
十年正月卒官有雪崖集行世

江

朱禮與誠祚之子嘗隨父謁宣宗於南城齋宮因命於文華殿內同
諸中貴講學舉懷才抱德授中書舍人歷太僕寺丞

蘓平字秉衡幼穎特嘗咏綉鞋南陌踏青春有跡西廂步月夜
無教人稱為蘓綉鞋長好游遠薦賢良方正不就嘗論詩貴心

...多心不平氣不和惟夜間吳女誦經一

平氣和如高太史啟詩雖工多心不平氣不和惟夜聞吳女誦經一
律心平氣和今雪溪集行世姑蘊臺吳王霸業雄且強吳王宮中
白日長尤物初來越溪女蘊臺高起天中央蹙春衫裁白苧粉
黛三千樂歌舞夢入巫山雲滿衣睡起花枝日當午熱也何人竊
高位諫諍無聞益驕恣拭目那知國士忠捧心詎識妖狐媚半夜歌
酒半醒越兵尋已下吳城西施復逐范蠡去泰伯宗社俄催傾香
徑蕭條入平野昔日綺羅成土苴烏啼夜月廢城頭鹿走春風舊
臺下臺下蒼烟迷故邱臺前江水至今流多情惟有閨門柳落日
空含萬古愁白苧詞館娃宮中露華冷月落烏鴉散金井吳王扶
頭酒未醒秉燭張筵樂清景美人不眠憐夜永起舞亭亂花影新
裁白苧勝紅銷玉佩珠璣金步搖回鸞轉鳳意自嬌銀箏錦瑟敬相

調君思如水流不斷但願青、同此宵東風吹花吹庭樹春色催人去

閒去大家為懽莫猶豫頃刻銅龍報天曙 秋日書懷 十年京國敝貂裘

萬事無成已倦游客裡青衫司馬淚天涯明月杜陵愁秦淮烟暝砧

聲夕楚澤雲深雁影秋南望故園歸未得懶將詞藻賦登樓 班婕妤

一自辭同鞦韆深宮草又生甘隨紈扇棄猶記玉階行明月愁中影

流鶯夢裡教笙歌前殿夜教妾若為情墨竹舊游荆楚弔湘

娥翠袖娟娟映碧波夜靜忽聞瑤瑟怨滿蓬秋影月明多仙源圖

仙家寂、洞房間鶴伴孤雲去復還只有桃花留不住遠隨流水到

人間 早春曲青樓昨夜東風轉錦帳凝寒覺春殘垂楊搖綠鶯亂

啼晨、鶯花不堪剪博山吹雲龍腦香銅壺滴愁更漏長玉顏啼

紅夢初醒羞見青鸞鏡中影懷家少年愛游逸萬里輪蹄紅無

未... 天... 上曲... 戰馬... 鼓... 橫行出

跡朱顏未幾消息希腸斷天涯草空碧

塞上曲

戰馬聞笳鼓橫行出

塞門陣雲凝隴黑殺氣入邊昏決策平胡虜捐身報國恩猶慚漢

公主萬里嫁烏孫

送駱泰入蜀省兄

回首鵠原感別離遠携書卷上

巴西雲深蜀魂呼名語月冷猿聲向客啼諸葛祠堂春草沒杜陵茅

屋夕陽低相思亦有南來雁莫道音書懶醉題

湘南懷古江山搖落

獨登臨草色湖南入望深萬古空留湘女恨九歌誰識屈原心霜侵

楚畹蘭香散雲暗巴陵雁影沉正是客懷消不得竹枝教裡斷猿吟

和沈愚高門竹枝詞此地吳王舊市朝空遺衰柳日蕭蕭行人不用頻

回首場帝宮前更寂寥

暮烟絲拂画橋紛、春日上長條館娃宮

女能相妬莫向東風學舞腰拂水搖烟積翠深闔閭城上外畫陰

陰花飛便作浮萍草恰似濃家蕩子心

旅次清明

萬家烟樹散啼

甘瑾蘓氏兄弟稱吳下十才子張措寄詩有浙詩門廷未荒蕪獨
賴芟除有二蘓所著雲壑集行世門人張太守寧表其墓曰嗚呼
先生學可傳而才不用德可以久而壽不甚遠蓋其所欲者人所
不能者命也能其所能而已焉者世也文章實閩世運人豈能違
之別詩青々南浦草游子傷遠離掘水岐路側對酒難為辭與
君結同心十年猶一時况當千里別去各天涯此莞結心日月
長相思天地無終窮人事多乖違努力樹聲名千載當自期擬陳
伯玉春夜別友人綺席管絃清春宵絳燭明山川縈去騎尊俎對
離情月迥藏銀漢天回轉玉衡鷄鳴催曉發迢迢洛陽城南州有
贈天路無期到春湘帶恨流亂山愁對酒落日獨登舟書劍情同
客江湖耐薄游離心寄明月相逐遠悠悠秋日登臨海外寒雲暝不

開望秋間上夕陽臺江流東去疑天盡山氣中浮覺雨來綠水平蕪
孤鳥下白雲空去斷猿哀臨高漫有滄洲想愁向西風見雁回

寄蘓先生正

祝淇

西風倚棹向歸程詩酒應多慰別情黃葉疎鐘溪上寺白雲
孤角海邊城鷗飛烟渚連秋色雁下寒塘起暮敲回首天涯嗟
落莫夕陽歸路萬山晴

圖

張洙字文東童時日記數千言屬文煥麗時謂王子安復生也辛卯舉
於鄉時尚未冠殺動縉紳世父負官錢數百千洙議賣產償之或
曰若交當路可免也洙曰產易得耳節概不可失洙即飢死不願也
故家益貧所善友童憲副漢臣方太守九叙饋餼不受卒年三十三
詩文俊爽有奇氣所著窮居集童憲副梓行之

原注... 詩統... 嶺... 古山上

詮
改

陳雖字惟肅海寧人見南皮李騰鵬選皇明詩統尊嶺懷古山上
樓臺湖上船平章醉後懶朝天羽書莫報樊城急新得娥

眉正少年

賈銓字本清海昌人

洛陽道

甲第多豪俠游行洛水濱聞雞都

市晚走馬禁城春踈柳迎征旆繁花媚舞人歌鐘喧落日向

宴五侯賓

沈友儒字南泉嘉靖戊戌進士授刑部主遷員外郎預西宮之獄外

補東昌通判轉揚州同知罷歸博極群書日不釋卷第嗜飲

誕放宦坐不達專事游覽名績蹟解祠縱步殆編碑記題咏今郡

邑所至而有可以規其人矣文品堂暢惜後人不振致集散佚可嘆

郭子直字舜舉隆慶辛未進士筮仕儀部以續婚悟舉礮聲振大

文苑

無遂顯名遠近孫權以為奮威校尉授兵數千使討山越因募精
兵萬餘人出屯牛渚稍遷偏將軍二十四年關羽圖樊城襄陽琮
上疏陳羽可討孫權時已與呂蒙陰議襲之恐事泄故寢其表
及擒羽權置酒公安顧謂琮曰君前陳此孤雖不相答今日之捷抑
亦君之功也於是封華亭侯黃武初魏水軍大出洞口權使呂範督
諸將禦之敵以輕舟數鈔擊琮常帶甲伏兵伺敵數千人出江中
琮擊破之梟其將尸盧遷琮綏南將軍進封錢塘侯假節領九江
太守吳會山民寇掠屬縣權分三郡險地為東安郡琮領太守時
治富春明賞罰招款附數年中得萬餘人遷徐州牧尚公主嘉
禾初督騎五萬征六開其民散走諸將欲捕之琮曰分兵捕民得
失相半縱有所獲猶不足以弱敵如或邂逅虧損非小琮不敢邀

功以負國也赤烏中遷右大將軍擢太司馬卒琮身既親重子弟
寵貴燕譙虛接士貌無驕色子懌嗣封臨湘侯

按全柔錢塘人琮嘗居赤兔嶺合公主葬長安鎮則自錢塘徙

鹽官無疑

宋

書

郭知運字次章嗜學砥行弱冠登紹興二十一年進士甲科秦丞相
檜強姐不就仕至荆門守乞休自號息菴老人所著猥稿四十卷

陸游避暑漫抄秦檜之有十
客郭子知運以離婚為逐客

明

浙

許懋字國器才識豪邁生當元季發粟賑飢嘗統萬戶長漕海
入大都授杭州路治中不就流寇區境倡義兵拒却之事聞於朝

檜字會之

復授前任終不就明興應辟丙午拜承事郎海州同知在官六載以績著洪武四年辛亥入覲卒於旅舍祀海州名宦

李貞字大亨邑諸生建文元年赴京上用兵方略上壯之命宴光祿司授湖廣道監察御史壬午革命歸隱臨平山中成祖即位謫玉田宣宗立雅知其名召拜揚州守特勅旌其忠直在任三載攷民隱章累百上惠澤甚著考績入覲乞休謝還勅諭上曰知府俱無勅其留之以示子孫貞歸老家徒壁立守正以終祀鄉賢

談遷曰薛文清瑄年十二能詩賦從貞為元氏教諭永嘉徐懷玉高密魏文濟南王恭身海寧李大亨范汝舟皆元舊儒謫戍玉田貞禮為瑄師於是豁然大悟悉去其詩賦而從講伊洛之學文清一代大儒亦吾寧有以啟之第不知范汝舟者果何人也賢者蔽名

不傳誠可深惜特附記大身傳末并見大身之正學非獨官蹟也

孫子良字

少游袁伯善胡虛白之門永樂甲申進士選庶常預

修永樂大典八年遷兵部武選郎中成祖北幸尚書方賓從子良

嘗攝部事領制群吏絕請托因致媒孽謫交趾布政司吏目夷

氓不學子良濡以德教洪歷初拜交趾叅議會黎利叛止於蒼梧北

遷改河南晉山東右叅政治河乞休少喜治書出入唐宋間所著螺

城集行世交趾古螺城有螺池古安陽王洗珠處胡人挽弓圖交河

戰罷靜胡塵更有何人放馬群獨挽雕弓莫回首雁門還有李

將軍擬唐宮人入道乞得君恩許出家宮衣易盡入烟霞受恩飛燕

無勞妬賣賦文園更莫誇便擬瑤池迎絳節更從勾漏向丹砂春風

幾處星壇上看編碧桃千樹花 鞦韆詞 洛陽人家重寒食庭院

火... 綠... 五... 閨... 中... 兒... 女... 最... 年... 少...

鞦韆高百尺，絲繩^綠嫋，分兩邊，画板粧成五采色。閨中兒女最年少，
三三兩兩笑且喧。幡巾結帶重整束，決意爭勝垂楊前。羅裙飄
方欲動身輕，那用傍人送。乍疑丹竈飛瓊仙，復訝青天未彩鳳。須
臾暫定忽下來，雙鬟撩亂烏雲開。回身復自繫羅襪，流汗但覺
香滿懷。起來殷勤語同伴，蹴踏應須論教翻。翩翩若與飛鳥
齊，賭却鳴璫不容換。

沈升字志行，永樂甲申進士。選庶吉士，預修制書。如五經四書性
理大全，佐筆剛定。常叅贊薊鎮軍務，劾奏太監劉通不法事，
賜金幣尋陞太僕寺少卿。好獎拔士類，凡文武才可用者，亟以
聞。然皆不負所舉，故服其鑒。卒，官遣禮部主事林璧諭祭。塋
白鶴亭後。

孫璋字景章泰政子良之子子良謫交趾生璋北江傳舍十歲

隨登泰山王方伯命詩立就門前駐紫駟我欲趁春游岱峰岳

頭去披雲眺九州景泰壬申薦賢良方正授太和丞奉職循理不

狗豪右民苦徭役璋頃刻裁定請托不及行人稱為霹靂手目

其榜曰鐵榜言至當不易也遷電白令邑人牛禱輒獻首却之

從韓雍征藤峽有功起守潯州興學賑飢威惠大行屬縣多嘉

禾不以聞進山東右叅政致歸年卒子武卿弱冠登進士

姚哲字文明正統乙丑進士授雲南道監察御史風采凝峻按楚劾

治藩臣不法人避其駟終按察副使

徐寬字粟夫號容齋晚號醉陶居士先黃巖人少從親縣楊太守

守止游學大進博覽群籍成化庚子舉鄉明辛丑進士授營繕

正嘉靖青傳政三載改同祭主事弘治戊申歸省尋復居築園

主事理臨清磚廠三載改祠祭主事弘治戊申歸省尋憂居築園
游息觴咏或勸之出不應年五十四馳疏致仕性孝友封公歿盡推
其蓄事二弟歲周親故之貧者塾師費歿助嫁其女又某氏負
逋欲償女為妾竟免其逋禮遣之弘治甲子五月卒年六十一
子塋城西所著醉陶詩行世 子海登進士

祝萃字惟貞成化甲辰進士釋福州曹徒工部從徐侍郎貫治渠江
南遷虞衡司員外郎嘗上章請親理儒臣再不報即歸省正德初
起陝西督學副使歷廣東左叅政醇謹端素里居教授晨興課
督至夕色莊而和時人競游其門捐館日學者私謚文惠先生所著
禮經私錄宋元史詳節子繼舉進士官兵部主事

寄祝員外惟貞

宦蹟

孫一元

歸來光範門書策不須論白日自幽事清泉在小園鳩鳴在竹園

月晚過梅却鄰父時，會壺觴笑語溫

查約字原博弘治壬戌進士筮仕南刑曹歷福建僉事屬早疫悉力

撫循閣卒多驕延平邵武暨福州軍相繼違背單車論之亡敢譁遷

山西按察副使艱去補江右公廉如故操雪一疑獄進福建叅政至左布

政使令諸司掾各納穀備賑俄侯官囚逸賊相戒毋犯查使君倉卒

遇害時嘉靖元年 而巡撫山東左僉都御史之命下 月閣人痛哭立祠九年諭塋所著悶齋集

陳善曰君子不死於盜賊原博之死不發於草，乎夫事固有不可

測者原博身夷三郡之變威德在閣深矣矣單身諭賊蓋其所嘗

試者也當是時危樛方急諸大夫易服鼠竄原博凝無中立此必

有自信者臨難不避罵賊而死嗚呼可謂壯節矣

... 峻曰不登第

許元奎文華弘治壬戌進士初貧甚攻苦力學子大母望之峻曰不登第
不娶果如其言年三十始娶授工部主權楚稅纖毫不移調刑
部卒官今祀鄉賢

陳珉 以歲薦歷河南布政使司理問守文無害澡身飭後
不同流俗祀鄉賢

毛鵬 孤貧力學制行端慎貢太學歷袁州通判不失其守
祀鄉賢

許相卿字台仲正德丁丑進士授兵科給事中嘉靖初教上書言
大闡張銳張忠既論而贖張欽舍人李賢襲錦衣衛指揮林司
寇俊被整相卿爭之力尋自免邑具驕從如常辭曰吾乘軒擁
蓋揚、出里中使父老走匿旁舍謂桑梓何吾業里居毋徒惠

若父老為也隱紫雲山中不跡城市王陽明湛甘泉諸先生雅慕
重往還廟切夏文愍遺之詩九杞山人不出山不將一字落人間
已亥名補禮科不拜所著草朝志雲邨集貽謀四則行世子聞
造貴州道御史自有傳

訪許台仲九杞山中

孫一元

幽谷經年到樽壘十日留柴門河月動木榻海雲流共愛名
山隱難忘帝國憂何時解朱紱取醉話滄洲

讀許雲邨先生小傳有述

于慎行

紫雲峰下石為閣尚想幽人舊隱居避俗青春違禁闥移家
白首寄樵漁名標吳國先賢傳手校西京太史書此日緜叢餘
諫草臺郎封事蒲公車

祝繼英字思克文真先生從子正德己卯舉北雍授繁昌令僅携二
蒼頭往家致薪脯飲江水視事公需毫不煩民秩滿徙石城以老
素善酒日舉亡算終不見醒時官

陸州字汝行嘉靖甲辰進士為人貌侵弱不能勝衣至遇事剛
斷敢為即賁育不可奪嘗以南昌校官典湖廣鄉試故事試官
校官處簾內乃品題之權御史多屬之簾外州既黜不自得比
定解額諸校官與御史俱坐至公堂州偶袖中式人二卷閱之頗純
繆州起袖二卷懷之以誥御史御史不能對即為轉易二卷同校
者慄_中咸服其持正遷刑部郎出守常德會鼎建三殿湖北木運
孔棘部木使某者頗乘勢為奸利民間駭然州至為調停差撥以
陰析_折其非一時屬路賴以安堵先是 滎藩嘗請鄔西濱江地

租而并稅艦筏之泊準者久之官愈益橫索或闌入經行艦筏

商人苦之州廉知非例下令禁治之中官喘々憚州自是相戒斂

跡郡受沅靖五溪諸水故築土堤捍之春夏水暴土蝕則兩涯

之間不辨牛馬州請易土以石募民貲觸帑金為石堤百五

十步高四仞廣半之澇至始不為災縣嘗以賦則淆混徵斂

無藝良民或倍輸之稅乃強黠者終身負責漫不裁省州戒

民毋入城納稅第置循環二簿鈔發里甲歲令沿戶按額取

之而納戶得以所納期限稅目自註於籍月終更互考成之完

負悉有稽覈公賦大辨常俗不習為商歲無論豐歉穀一入

亟圖貿易商金以償官逋不且賤售富家因而爭時取利故左右

數從史縣願留穀防飢使毋令販而出境也州歎曰此豈為居

積豪地乎民無金無賦無商無金奈何坐自窮束手遂下令曰
敢有以過糴為言者置諸法自是商民得通易有無靡然稱便
州治郡三年不為烜赫可異之政惟務約已愛民他如均傳費
獎士類厘賑恤每事必為之區畫期於奉法循理而已後以考
績行尋擢九江兵備副使民生祀州於城此又三年丁內艱卒
於家計聞郡中父老率子弟朝夕慟哭祠下如喪考妣云徐學謨楚志

查秉彛字性甫嘉靖戊戌進士授黃州推官推禮科給事中議莊
敬太子冠讀禮及楚世子獄嘗歎宗祿日匱上六事曰處宗祿
重恩典肅宗教止交結飭藩度擇府僚轉戶科給事中尋調
左會大計奏斥酷吏禁贖緩征科尋忤旨謫雲南定邊
縣典史轉建寧推官又遷刑部主事改吏部文選郎中佐尚

尚書李默見重進太常少卿提督四夷館轉大理右少卿太僕寺卿拜順天府尹甫五日卒年五十八時辛丑閏六月既望諭祭一壇命有司治塋子志文廬州府通判志宏都察院僉事志立河南叅政志立子允元江西叅政所著近川稿板垣奏議藏於家

徐炳仲字嘉靖癸丑進士授南刑部主事歷遷河南兵備僉事艱去補山東進湖廣叅議遷河南備兵副使治大名減供餉太兀費會清戎使者峻甚炳為言不便狀上益尺籍祗厲民耳遂不擾遷山西叅政卒官炳篤孝少繼伯氏仍加意所生庶成奏南宮以仕籍不書本生罷廷對友愛諸弟潔廉好修在大名值粟貴食黍豆室人頗嘖歎曰民多菜色何獨飽為魏人至注下

馮觀字晉叔徙家錢塘甲辰進士授職方主事會虜入分守西直

尚書李默見重進太常少卿提督四夷館轉大理右少卿太僕寺卿拜順天府尹甫五日卒年五十八時辛丑閏六月既望諭祭一壇命有司治塋子志文廬州府通判志宏都察院僉事志立河南叅政志立子允元江西叅政所著近川稿掖垣奏議藏於家

與俱見雲長公護之忘其在鮫鮓帳中也仍

部主事歷遷河南兵備僉事

艱去補山東進湖廣叅議遷河南備兵副使治大名減供餉沃兀

費會清戎使者峻甚炳為言不便狀亡益尺籍祇厲民耳遂不

擾遷山西叅政卒官炳篤孝少繼伯氏仍加意所生庶成奏

南宮以仕籍不書本生罷廷對友愛諸弟潔廉好修在大名

值粟貴食黍豆墜人頗嘖歎曰民多菜色何獨飽為魏人至

注下

後共以爲循吏之報云惟安

馮觀字晉叔徙家錢塘甲辰進士授職方主事會虜入守西直

值粟貴食黍黍空人頗噴歎曰民多菜色何獨飽為魏人至

馮觀字晉叔徙家錢塘甲辰進士授職方主事會虜入分守西直

門例賜金幣歷武選郎中憂去補故秩遷湖廣副使廣東叅

政嘗行劄梁昌猖賊要入巢求犒正色諭之止三日輿還於韶既

知賊情以千人襲之俘大酋馮應科等百人進按察使卒官觀嗜

書嘗期湖上隙地吟嘯吾願足矣所著存稿八卷

許瀚字達夫韶秀而文楊按察繼宗逮其父瀚掖之入場題試之立

就歎賞不置貢粹永州多善政已掛官道

查志文字鳴周陰慶丁卯舉於鄉倅廬州屬築河而甕請便宜散

役約解凍集之果如期辦成遷廬州同知署無為州管蘆稅時

巡蘆江上遇颶風暴作舟覆沉教里兀坐舟內一吏捧二印與俱恤

宦蹟

兼署州印

吳遵字公路嘉靖丁未進士令長樂廉勤通敏興利除害育才
宣化赴名之曰菴雅泣送於途後拜御史遷太僕少卿詳見長樂志
孫景時字成叔杭之右衛人性耿介在世寡諧師明甘泉二先生丙
子舉鄉教諭長洲遷汝縣令却餽饋逮豪右人多稱之已解
官好蒐輯故閩作武林文獻錄杭州府志未究而卒

董學字希顏嘉靖丙辰進士授行人擢監察御史巡按宣大真
空鋤強扶善草里申甲定均徭實心為民立志期於君子惜死於疾
不竟其所施

董鯤字化卿嘉靖癸丑進士令宜興抑置訟却私竇樞部索犒兵
供具不應雖坐忤不惜丙辰徵拜山西道御史歷按畿內應天陝
西並持法凜、在應天捕孝廉彭應龍斃之人心稱快予告歸

丙寅起河南道御史署考忤銓曹外補湖廣按察副使丁卯春
免官蓋銓曹意也居鄉簡亢好周人之急邑里以為儀表

許聞造字長孺萬歷丙子舉南雍嘗席帽見邑令戲曰帽直

幾何曰亡價全疎庶任河間推官有能聲服喪起補東昌奏最

拜監察御史教上書指摘政府尤切巡按甘肅勸止採礦并劾張

侍郎養蒙調判苛嵐州晉撫魏允貞常見劾及入謁頗被諂厲殺

曰吾擊邪不勝固所甘也尋歸里所著盈缶集

陳與相字卜野萬歷丁丑進士令新昌有治行調吉水益能其職

遷刑部主事歷郎中出守南昌未任憂去服闋補成都擢四川

副使時採大木不辭艱苦庚子征播酋督餉坐罷久之補廣西江

道亡何遷貴州左叅政致仕性坦朴不設城府子玄暉翰林編修

宦蹟

歷湖廣叅政祖苞巡撫薊州右副都御史祖苞子之遴左中允

查先元字仁卿萬曆丙戌進士授禮部主事歷員外郎爭關白封貢及三王孟封上書言非是進江西提舉學僉事擢叅議進廣西副使憂去不起樂湖山之勝寄居武林卒年五十二

祝以幽字耳劉萬曆丙戌進士知隨州入為兵部郎中時閔白攻朝鮮奉勅宣諭出為廣東僉事除山東叅政陳情養母居鄉十六年遠近稱孝祝母年九十四終服闋起江西按察使天啓七年擢應天府尹乞休進工部侍郎致仕崇禎五年卒年八十二

朱輿翹字楚伯世居袁花里辛卯舉於鄉壬辰進士授江陰令以清惠治之蔬米廉值不擾布市一錢調長葛令治如江陰又導民以桑麻之利庚子遷南刑部主事累遷郎中進建昌府廉

平不前臺使命傳建昌守事以進有日寬於容衆而不寬於御

明否辨以補錄
祝以幽
丙戌進士

知隨州多惠政尤嘉意作人如閣學王崑仲公亦公門一枝也入為司馬時關白攻朝鮮求援大司馬石星選輒主招撫幽抗議非是即奉勅宣諭別簡將才合秦晉齊楚伎擊之士以衛使者不然渡鴨綠而東布朝廷威德島夸遂遁已奉檄僉粵東值孫種不逞迺蒙犯瘴癘深入七百餘里曉以禮義皆擣顙曰祝父生我不敢復反爰清刷韶廠高料儲為軍需稅璫不敢撓柄報最除東藩不拜屢力疏陳情乞終養太淑人時稱孝祝居鄉凡十六年違養太淑人已幾百歲又三年服闋起秉憲江右請罷建武橋稅商民永利之再蒞五年視師海上幽以虎門為全粵重鎮裹海亦嶺南門戶議措餼增兵以扼之詳廣東名宦錄中未幾而渠寇斯得又伐紅裔

課獲斬無算尋尹舊京時天啓七年也力請歸田蒙特旨少司空致仕凡歷官文武張弛一手清慎少耽圖史至篤老猶不廢學而著述晚出卓然大雅矣卒年八十有二崇禎五年詔賜祭葬所著有貽美堂集行世

浙

江

圖

平不苛臺使命傳建昌守事以進有曰寬於容衆而不寬於御
衆嚴於持法而不嚴於行法蓋實錄也戊申擢廣西副使未
赴遷里卒年六十四

徐銘魯表耿萬曆乙未進士授黃岡令流心愷悌遷南京工部
主事歷兵部郎中進山西清軍參議剿狃夷終於任雖歷數
政家清約如寒士

許合典稱則萬曆丁未進士合上饒與無錫以疎放改教授淮
安屢起屢躓終淮安守性率易坦炬亮官二千石不改儒素所
著金牛隨筆

高行

浙

談遷曰世所傳高行類邱園素履者流若豪俠則外之別

高行

為一遁夫豪俠慕義拔於時輩痛得庸早視之觀於今日巨論
邱園素履之未易值即所為豪俠者幾何人哉故並列之其
有所感也夫

元元

書

館

賈銘字文鼎貫雄海上長萬戶好賓客能振人之急名士如
胡隆成鮑恂輩為重客劉文成基微時嘗有意銘也于已度其
無成但為擇地六山墓地經始日忽風起吹金箔於梁上文成曰若
家且世之黃金也銘二子俱以我明汗馬功世歸德衛臨山衛指
揮銘年百有六歲嘗畫夢緋衣策駿馬而西遇女子服徒甚都
下輿拜曰自月宮來送彭祖殯指前塚就觀之既寤適文成寄壽山
福海圖繫以詩吾聞軒轅之國乃在大海之中央其不壽者八百

歲壽者乃與天地同久長棲基總鄉造天漢赤日統戶扶桑涼玉

福海圖繫以詩吾聞軒轅之國乃在大海之中央其不壽者八百

歲壽者乃與天地同久長棲臺縹緲造夫漢赤日統戶扶桑涼玉
泉之清水以香瑤草之味如瓊漿洪崖有時來環珮殺琅
鳳鳴自歌鸞自語青雲連嶰白雲舞淋漓豹髓浮縹緲觸
璫錯金盤薦麟脯耳聞水泣皇英眼見商郊葵彭祖琪花生
樹霄有光東風入律春荒樂無極青雛夜月中來廣漢婦娥
寄消息銘知其兆越三日下世

費用中家黃崗置義塾捐學田好行其德見劉文成賈氏義田

塾詩序

明

董慧字如魯饒於資景泰甲戌賑粟四百石成化癸巳賑六百石
丁酉賑千石有司以例授承事郎不受仍輸千石為備他善事

高行

未易舉枚章楓山先生表其墓

徐義字彥宜成化癸巳海決民飢日治糜哺數百人八閱月而罷
飢人賴之子寬登進士

館

唐琳歲貢任大名訓導守舊志稱其孝友端肅嘗還遺金有古人
風祀鄉賢子世卿撫州通判世臣婺州源訓導

祝淇字汝淵嘗任歸化驛丞喜吟咏不苟取與子萃貴封刑部主
事所著履道集

擬驪山應制天仗出彤闈鸞唳上翠微飛流喧

鳳吹空谷轉龍旂樹色連宮掖花香傍袞衣皇仁敷億兆賓從
樂餘暉

長安道

笙歌喧邸第羅綺麗春朝複道通秦苑雜宮

接渭橋看花三殿出執玉萬方朝自古王侯地前呵擁珥貂

雜題

東風楊柳拂春堤烟靄陰野鳥啼金谷日斜歌舞散海棠無

主草妻

查益博學多聞不苟言笑設教鄉高多所成就子約貴馳封
查繪制行克謹事繼母撫仲矛鄉黨無間言

董載楚府教授平心率物不跡城市子鯤貴贈監察御史

陳中漸風山郡諸生倜儻有大節歲旱禱之立澍豪飲好義子
與郊太常少卿與相貴州參政

孝友

宋

周阿二力田志養母俞氏疾篤同弟小三各剗肝以療弟阿
九通鈎燈禱焉果愈

明

浙江圖

高行 孝友

董謙有孝行親喪廬墓成化時旌門

葉文榮海寧所軍餘性勇戇而孝友無間弟文龍醉歐人

死官司訊服其母鍾愛飲泣不食文榮痛弟誣誤貽憂於

母遂訣母曰兒幸有後當代弟死別詣官暴殺人狀坐論

弟得釋此與蘓子瞻所書狄武襄事無異嗚呼世之君子

兄弟不能容往以細故成訟文榮本土伍不忍累母從容

就死可以愧臆林之戈矣

江

孫經田家子父早沒同弟緯奉母最孝嘗疾甚醫不能療

時思食即得亡恙緩則疾作由是竭力營辦諸品咸具以

供一日思大蝦作羹時方急田即輟工周行河港凡數里并

及坊市不能得二子憂之驚皇亡措方少頃於門見水際

忽動旋解衣入水求之即得數尾喜躍急烹之母顧二子

忽動兢解衣入水求之即得數尾喜躍急烹之毋賴二子
之孝存活數年嗚呼古之冰鯉幕雀戴之典籍以為後世奇
事不意二子務農細民不知經史孝行足與之埒暗合前人
且感動鬼神如此

褚文奎母徐氏危篤刲左股作羹進母今補增廣生

談遷

崦嵫無計駐春暉血淚淋漓待大歸讀到蓼莪腸斷處至
今淚濕舊時衣

胡化事母楊氏曲至割兩股療疾邑令旌之補諸生

隱逸

齊

隱逸

頌歡字景怡家世業農歡獨好學年六七歲知推六甲家貧
父使田中驅雀作黃雀賦而歸雀食稻過半父怒欲撻之見賦
乃止鄉中有學舍歡貧無以受業於舍壁後倚聽亡遺忘者
夕則燃松節讀書或燃糠自照及長篤志不倦聞吳興東遷卸
玄之能傳五經文句假為書師從之受業同郡顧覲之臨縣見
而異之遣諸子與游及孫憲之並受經焉年二十餘更從豫章
雷次公諮玄儒諸義母志止水漿不入口六七日廬於墓次遂隱
居不仕於剡中天台山開館聚徒受管業者嘗近百人歡早孤讀
詩至哀、父母輒執書慟泣由是受學者廢蓼莪篇不復
誦焉晚節服食不與人通每旦出戶山鳥集其掌上取食好黃
老通解陰陽書為教術多効驗初以元嘉中出都寄住東府

忽題柱云三十年二月二十一日因東歸後元凶弒逆是其年
月日也弟子鮑靈綬門前有樹大十餘圍上有精魅數見影
歡印樹，即枯山陰白石邨人多邪病村人求哀於歡，乃
往村中為講老子現地作獄有頃見狐狸鼯鼠自入獄者甚
多即命殺之病者皆愈又有病邪者向歡，曰家有何書答
曰孝經歡曰可請仲尼居置病人枕邊恭敬之自差也後果愈
人向其故曰善禳惡正勝邪此病者所以差也高帝輔政徵為
揚州主簿及踐祚乃至稱山谷臣頌歡且表進政綱一卷時員
外郎劉思効表陳謹言優詔並稱其美歡東歸上賜麈
尾素琴永明元年詔徵為大學博士同郡顧黯為散騎侍
郎俱不就會稽孔珪嘗登嶺尋歡共談四本歡曰夫理中

唯一豈容四之四本無正失中故也於是著三名論以正之
歡又以佛道二家教異學者互相非毀乃著夷夏論以辯
其異同宋司徒袁粲託為道人通公駁之歡與往復論難
其詞甚暢文多不載歡口不辯長於著論又著王弼易二
繫學者傳之知將終賦詩言志曰五塗無恒宅三清有恒舍
精氣因天行游魂隨物化鷗鵬適大海蜩鳩之桑柘達生任
去留善死均日夜委命安所乘何方不可駕翹心企前覺融
然從此謝自剋死日自操槨時卒於剡山時年六十四身體
香軟道家謂之屍解仙化焉還葬舊墓木連理生於墓側
縣令江山圖表狀武帝詔歡諸子撰歡文議三十卷

夏論

夫辯是與非宜據聖典尋二教之源故兩標經句道經云老子

夫辯是與非、宜據聖典、尋二教之源、故兩標經句、道經云、老子
入關之天竺、雄衛國、王夫人名曰淨妙、因其晝寢、乘日精入
淨妙口中、後年四月八日夜半時、剖左掖而生、墜地即行七步、於
是佛道興焉、此出玄妙內篇、佛經云、釋迦成佛、有塵劫之數、出
法華無量壽、或為國師道士、儒林之宗、出瑞應、起歡論之曰、五
帝三聖、不聞有佛、國師道士、無過老莊、儒林之宗、孰出周孔、若
孔老非佛、誰則當之、然二經之所說、如合符契、道則佛也、佛則道
也、其聖則符、其跡則相反、或和光以明近、或曜靈以示遠、道濟
天下、故無方而不入、智周萬物、故無物而不為、其入不同、其為
不異、各成其性、不易其事、是以端緝紳、諸華之容、剪髮曠衣、群
夷之服、擊毘磬折、侯甸之恭、狐躁狗踞、荒流之肅、棺殯擲墓、中

夏之制、火蒸水沉、西戎之俗、全形守禮、繼善之教、毀貌易性、
絕惡之學、豈伊同人、爰及異類、鳥王獸長、徃之是佛、無
窮世界、聖人代興、或昭五典、或布三乘、在鳥而鳥鳴、或獸
而獸吼、教華而華言、化夷而夷語、耳雖舟車、均於致遠、而
有川陸之殊、佛道齊乎達化、而有夷夏之別、若謂其制既
均、其法可換者、而車可涉川、舟可行陸乎、今以中夏之性、效
西戎之法、既不全同、又不全異、下育妻孥、上廢宗祀、嗜欲之物
皆以禮伸、孝敬之典、獨以法屈、悖禮犯順、曾莫之覺、弱喪
忘歸、孰識其舊、且理之可貴者、道也、事之可賤者、俗也、舍
華效夷、義將安取、若以道邪道、固符合矣、若以俗邪俗、則
大乖矣、屢見刻舟沙門、守株道士、交爭小大、互相彈射、或

或謂以者而、或混俗以者、是率異以者同、破同以者異、則

域道以為兩、或混俗以為一、是率異以為同、破同以為異、則
爭爭之由、淆亂之本也、尋聖道雖同、而法有左右、始手無端、
終手無末、泥洹仙化、各是一術、佛號正直、道號正一、歸無死、
真會無生、在名則反、在實則合、但無生之教、賒無死之化、切
切法可以進、謹弱、賒法可以退、夸強、佛教文而博、道教質而
精、非粗人所信、博非精人所能、佛言華而引、道言實而抑、
抑則明者獨進、引則昧者競前、佛經繁而顯、道經簡而幽、
則妙門難見、顯則正路易遵、此二法之辯也、聖匠無心、方圓有
體、器既殊用、教亦異施、佛是破惡之方、道是興善之術、興善則
自然為高、破惡則勇猛為貴、佛跡光大、宜以化物、道跡密微、
利用為己、優劣之分、大略在茲、躡夷之儀、婁羅之辯、各出俗

彼俗自相矜解，猶垂喧聒，何足述效。歡雖同二法，而意黨道教。宋司徒袁粲，託為道人，通公啟論，謝鎮之亦以書詆歡。朱昭之廣之，並書雜焉。

南齊

杜京產鹽官人，顧歡招之同隱天台之歡，慕今招隱峰是其遺跡。顧贖字長孺，有賢操，永明元年徵拜散騎侍郎，辭不赴。

戚顯

梁

戚霸顯之子

唐

朱世卿，武林西山有唐隱士鹽官朱世卿之別墅。

浙江書館

宋世... 山有唐隱士鹽官朱世師之別墅

宋

施德操

楊璿 並見前

楊均嘗編次海昌圖經作雙廟樂歌迎神送詞

元

書

董鎮字仲貞博通經術值元亂自海鹽徙錢山每夜靜月明輒登山長嘯風生海涌或悲歌泣下歸輒閉門竟日卧客叩戶謁之終日危坐不一語人莫測其際

董處侯傳

海鹽山陰胡隆臣

公諱鎮字仲貞裔出河南自強董大夫之後十二世祖符於宣和間任進義郎於歸州曾祖文林以儒術起家為臨安司法候

隱逸

建炎初扈從南徙官於臨安政刑明允士論褒之遂家焉至
延祐丙辰冬故宋駙馬諱仲溫者生公於澠里少有大志嘗受
讀於宗室趙公範剖擊尚雜多所發明至順唐午既冠承
考妣命贅於海寧錢山孫氏越癸酉間金華許益之得考亭
夫子正學之傳於仁山金文安公之門裹糧從之處曰與朱彥
修兄弟討論誦道發而為文森嚴奧美精深簡古不事雕
鏤下視騷轂他人數千言不能道者公直教語雍容有餘所
謂朱絃一唱而三嘆者也益之深器之後四年益之壽終公獨
築居於娶裘居三年然後歸時論翕然有董處侯之號無
向識不識皆以儒術推之東山趙子常以文名一代平居相
親猶賴指示之益黃晉卿於當世儒者罕有許可獨於公

尤加敬焉。謂公實得聖學之傳，報名赫然也。至順庚辰，浙東憲府辟公為掾，辭勿往。至正甲申，浙江行臺平章燾直舉茂才，異等海昌守禦官亦推公為守備，倡鄉兵義勇以禦紅巾之亂。趙弘偉時在南臺，廉公丰神姿遠，制行峻潔，命除征行百戶，尋授儒職，皆辭不以受。公自卜歸寧里，屏跡入靈泉山中，雖避兵奔逸，往來閉戶講讀，不輟。平生未嘗注釋，惟於經史精通，默會見之躬行，間為章句，口授學者叩之而穀，應索之而罔轉。人或一見，則鄙慢之色，穢械之巧，消鎔殆盡。以故咸樂從之，遠而都會，近而邦家，一時名彥皆百舍重疊，而久依其家，更作嘉會堂於靈泉之巔，援引橫渠故事，旁搆二室，右室畫考亭小影，題曰朔聖所，左室書孔子儒行。

篇題曰儒隱堂予嘗一造謁焉綢繆旬日見公拳以斯文
為己任或以仕進勸公行者輒駁然曰是輕宗室辱父母也
我妣宋室淑女我雖不及食宋粟猶當為宋臣子安得忘親
事虜隨世就功名耶一止一速曾不足以撓其挺然之守此其
剛大所見浩然天地間豈區、綽約於文章之圃者與稟卓
高風不隨於俗近沿廩洛上沂洙泗自過江來根抵宇宙百年
事業幸哉一二見之先是鄱陽朱公遷授金華路學正乃
相語曰師友道喪娶學失真凡以教化不立故也鎮願須臾
毋死俟君復修教化而崇起焉又嘗以詩風有云迎俗務支長
夜話逢人漫感舊時編公遷由是奮然勤於奮訓迪學有所
得者數百人公實感發之也迨今天啟聖明誕膺熙運丁未年

冬承旨宋濂學士劉基交章薦公命下之日而公已捐館
山中四十日矣士大夫莫不傷歎次年戊申基便道長安
往哭之題其墓曰翊聖董處疾鄉之士人想其懿矩既揭
行已以誌之史矣會公友貢師恭避隱桃源其子治托請
公傳於予因謀刻歲月予念楊奎歸捷為以黃老教人門
人為之立廟嚴君平在蜀以忠孝訓俗而郡守亦為之作
傳矧公學行文章為海內宗師可無傳乎及讀公家券獨以
歸訪故里拜掃邱隴為念按其平生儒行卓々真可謂不愧
忠孝之大節不負婆濂之正傳也為之書其概云

張天雨字伯雨無垢先生之後早棄妻子隱於黃冠師事間元
宮真人王壽衍風裁凝峙詞源倒峽仙々手鶴背上人也雅善書

嘗居三茅觀修无玄史歷紀道家高士序曰老子玄且者也是集
不與焉尊之也作黃箬樓儲古圖史作水軒於浴鶴灣著出世
集三卷碧巖玄會錄二卷茅山志十五卷墓在錢塘靈石塢明
正德間或鋤地數尺犯其墓見盤坐瓜髮俱長偶傷腦破而復
合其人驚懼急掩之墓中有二書携其一示鄭栗菴環鄭願易
以一金其人欲魚取至墓風雷大作失書所在

悼伯雨

楊維禎

黃箬樓頭仙一去明年黃箬掃狼烽不知天上修玄史只許
山中伴赤松石室秘書愁攝電星池遺劍已成龍思君不見
夜開戶月在金鐘第幾峰

題茅山外史奔月卮歌

胡奎

瑶池羿妃奪八月竊得丹砂煉金骨無何躍入龍王宮千丈

題茅山外史奔月危歌
胡奎
瑤池羿妃奪八月竊得丹砂煉金骨無何躍入龍王宮千丈
紅光射銀闕茅山外史口懸河長鯨吸海翻白螺夜半銅仙
泣秋露化為萬斛黃金波空歌笑落瓊臺表傲睨乾坤一杯
小月中若許築糟臺我亦騎鸞天上來

讀張外史詩

海內詩人久寂寥靜中披卷即交神函闕紫氣長懷李句曲
青山本好茅快雨送青來竹下淡雲流月過林梢令威若返
遼東鶴定擬雲松共結巢

朱景仁素以孝友聞元季游士避地海寧景仁悉解衣推食與
同甘苦屢徵不赴自稱貞白道人

明

隱逸

蘓平 蘓正 並見前

董淞字子任諱貫經史徒步游章楓山之門猥視家產不屑制
義弘治中荐應敷陳王道獻若干萬言命禮部試沮歸或勸之
幸途中口占謝曰我有腹中書不辦頭上帽浮雲自去來雜應
鴻都詔喜振貸家瘠晚失明號聽光大師所輯聖學全書真儒
蓋語紫陽正脈若干卷藏於家

寓賢

宋陳

陳書徐陵傳陵子儀少聰警以周易生舉高第為秘書郎出為
烏傷令禎明初遷尚書殿中郎尋兼東閣學士陳亡入隋開
皇九年隱於錢塘之赭山場帝召為學士尋除著作郎大業四

年卒

宋

汪應辰字聖錫玉山人來學於張無垢先生紹興五年進士第
一年十八任趙鼎帥幕除秘書省正字以論和議忤秦檜奉詞
無垢謫南安交游皆絕應辰時通問不遠千里弔其父喪無垢
嘗曰予老居烟瘴新故相絕忽思在鹽官時携杖與陳彥柔毛
子文汪聖錫到郭外入僧舍論文者若聖錫書壁以記字畫道
勁可喜今相去遠甚為之悵然檜死厝官吏部尚書兼翰林學
士卒謚文定

凌景夏字季文餘杭人徒步從張九成游紹興二年同第景夏
居第二歷吏部尚書今邑城亞魁坊故其儼舍也

寓賢

木待問字應之永嘉人隆興元年進士第一歷太子詹事知太
平宣福婺州煥章閣待制禮部尚書贈少師光祿大夫孝宗嘗
語待問曰木姓始於何時因知所對上曰端木子貢之姓其後
有木虛元豈去複字之苗裔乎他日謂洪邁曰木待問乃卿壻
乎以明經擢高第而不知姓源宜勸之讀書邁拜謝而出嘆曰
聖主萬幾廣覽如此為士可不研博古今耶待問嘗卜居邑中
即今仁賢坊

王沆安化郡王稟之裔高宗召沆詣行在家於鹽官今有安化
坊

趙汝諲曾祖士龍江南路東鈐轄李成寇淮南圍九江士龍罵賊
仰藥死贈武功大夫乾道七年汝諲承丞鹽官因家焉

在蘇州府城內大夫乾道七年汝諫來丞鹽官因家焉

曾叔南豐人鹽官教授見鍾必萬復廟記中邑之隱居南豐曾

叔

鍾必萬 人鹽官令其撰儒學記云求田問舍欲老於海昌

之上

元

書

鄒世間字間達黃縣人世百戶戍海寧民多私盜而令甚峻犯者例與有司並治之有司欲竟法世間曰民貧故耳不竟其法民呼鄒父會張氏隔浙西時見從逆者切齒詈之後屏居硤石元止不食而死妻李氏以知禮稱

貢師恭字泰甫宣城人父奎以文學名家延祐至治間為直賢直學士卒謚文靖師恭早肄業胄監恭定四年釋褐出身授從

寓賢

仕郎太和州判官外艱改徽州路歙縣丞江浙行省辟為掾尋
以土著自劾去大臣薦擢應奉翰林文字內艱服除紹興
路總管府推官都有疑獄詳讞而剖決之山陰白洋港有宦船
飄近岸史甲二十人適取鹵海濱拾其篙櫓而船中死人二徐
乙因指為史等所劫史備於富民高氏并逮高師泰密詢之則
里中沈氏販杭而西盜魚見殺史高之寃皆白游徼徐裕以巡
鹽肆暴奪諸暨商人錢撲殺之走告縣曰私鹽犯人畏罪赴水
死官疑其傷以疑獄釋師泰追案之竟坐裕治行為諸郡第一
秩滿復入翰林為應奉預修后妃功臣列傳事畢遷宣文閣授
經郎歷翰林待制國子司業擢禮部郎中再遷吏部拜監察御
史自世祖以後省臺之職南人斥不用及是始復舊制至正十

四年除吏部侍郎時江淮兵起京師食不足師恭奉命和糴於
浙右得糧百萬石遷兵部侍郎以京師至上都駟戶凋敝師恭
巡視整飭之歷究弊源驗產均徭民賴以蘓豪貴深嫉之朝廷
欲仍和糴浙西因除都水庸田使十五年庸田司罷擢江西廉
訪副使未行遷福建廉訪使居亡何除禮部尚書時平江缺守
命師恭為總管明年張氏陷平江懷印綬棄城遁匿吳淞江易
姓作幽懷賦士誠既納降江淮行省丞相達識帖睦爾年以便宜
授師恭兩浙都運使剔其積蠹丞相復取制除浙江行省叅知
政事二十年朝廷除戶部尚書俾分部閩中以閩鹽易糧由海
道轉運給京師潛居海寧與諸生謝肅胡奎輩講學寓東野草
堂其詩曰幽人海昌住草屋向村墟擊竹頻呼鶴分泉漫種魚

梨花春巷冷榆葉夜窻虛細雨篝燈火匡牀正讀書劉伯溫先生題小桃源贈之卒葬其里寧國府志云友人宋學士澹嘗過其家邀之置酒飲至夜分仰藥而死師恭性倜儻狀貌偉然即既以文字知名而以政事尤長所至績效輒著尤喜接引後進士之賢不向識不識即加推轂故士譽翕然咸歸之有玩齋集行世

貢泰甫文集序

余 闕

余天性素迂常力矯治之然終不能入繩墨矯治或甚則遂病不能勝因思迂以為迂者亦聖賢以為美德遂任之一切從其所樂常其行四方尤迂者然後心愛之而與之合凡提机愛者雖強與之然心終不樂也故暫合而輒去京師天下聲

則... 迂非所宜有嘗陰以求之士大夫之間得一人焉

利之區也迂非所宜有嘗陰以求之士大夫之間得一人焉
曰貢泰甫泰甫故學士仲章君之子能詩文少游太學有時
名因自貴重不妄為進取有所不可交者亦不妄與交故我
二人者驩然相得若魚之沫於江獸之走於林也時泰甫為
應奉翰林文字因多暇日即與聚棹有蔬一品魚一盤飲酒
三行或五行即相與賦詩論文凡經史詞章上下治亂賢否
圖書彝品亡不言者意少適即連轡過市據鞍譚詭信其所
如而止及暮亡所止則相與問曰將何之皆曰亡所之也乃
各策馬還自古暨今王公貴人能求賢常少然自至元初奸
回執政乃大惡儒者因說當國者罷科舉擯儒士其後公卿
相帥皆以為常然而小人賤隸亦皆以儒為強詆當是時士

大夫有欲進取立功名者皆強顏色昏且往候其門媚說以
妾婢始得尺寸此正迂者之所不能為也因翱翔自放亡所
求於人已而皆亡所遇予既歸淮南秦甫亦以親嫌辭官除
紹興推官不相見者為最久去年冬太原賀君丞相蒐羅天
下人才之有政譽者而秦甫之治為浙東西第一乃復得召
為應奉余適入朝為待制相見益歡計其別十年矣吾年少
於秦甫鬢髮已白而秦甫貌面紅白如常出其別後所為
詩文甚富且夫進益知秦甫真豪士也夫以士之賢亡所遇
而淹於下僚宜悲憤無聊而不能盡也願乃自樹卓卓以其
餘力而致勤於文學且其貌克然非其中所有負蓋不能爾
然則吾秦甫之迂又過我遠矣夫古之賢士多不兼於文藝

文藝雖卑而世方貴而傳之者愛其人故也不賢者之於文
藝雖極其精人猶將賤之亦何以為也秦甫忠孝人也其功
名事業當不待文與詩而傳而況於薰有之耶余昔與之別
今見其文如此今又當別去計相見時又必有過此矣於其
行也序而識之

送有亨姪還錢塘

貢師秦

嗣家諸姪仲容賢客路飄零雪滿顛曾頌椒留子美却思戲
蠟愛僧虔十年江海三杯酒萬里溪山一釣船何日兵戈得
休息敬亭風雨共歸田

送貢尚書入閣

楊維禎

綉衣經略南來後漕運尚書又入函萬里銅監開越嶠千艘

寓賢

升斗買番人香薰茉莉春醒重葉捲檳榔曉饌頻海道東歸
間未得法冠重戴髮如銀

送尚書貢先生入閣

館

胡奎

敬亭山下秋雲飛錢塘江頭風露微三更南斗海底出八月
白鴻天際歸椰子檳榔南出遠荔枝龍眼北來稀明年漕運
歸來日好為君王補衮衣

圖

劉基字伯溫青田人元季游海寧客黃灣賈氏見其富而好禮
依之度其無成但擇墓而去

明

浙

徐一夔字大章天台人值亂客黃灣馬氏授經三年一夔以名
儒終杭州教授

何得舉晉江人洪武初進士授海寧令德惠及民秩滿占籍海

何得舉晉江人洪武初進士授海寧令德惠及民秩滿占籍海寧後改寧府紀善致政還居雙仁巷葬城西子熙南京光祿寺署丞詩集傳世

方技書画附

唐

顏真卿見前宣和書譜顏真卿書點如墜石畫如夏雲鈎如屈

金戈如發弩此其大概也至其千變萬化各具一體若中興頌之閣偉家廟碑之莊重仙壇記之秀穎元魯山銘之深厚又種種有不同者蓋自有早年書千佛寺碑已與跋廬沈莫年之筆相上下及中興以後筆力迥與前異亦其所得者愈老也

黃山谷曰觀魯公此帖奇偉秀拔奄有魏晉以來風流氣骨

方技

回視歐虞褚薛徐沈輩皆為法度所窘豈如魯公蕭燕絕墨
之外而卒與之合哉蓋自二王後能臻書法之極者為張長
史與魯公二人其後王少師頗得彷彿但少規矩復不善楷
書燕亦自冠絕矣

顏太師與僧懷素為同學鄔兵漕弟子問曰夫草聖於師授
之外須自得之張長史觀孤蓬驚沙之外見公孫大娘舞劍
始得低昂迴翔之狀未知鄔兵漕有之乎懷素曰似古釵脚
為草聖聖率之極真卿微笑經歲月不言懷又辭去真卿曰
師豎學古釵脚何如屋漏痕懷素抱顏公脚唱賊久之

頽况見前工書焦山瘞鶴銘號為絕筆兼長小幅嘗求知新亭
監曰欲貌寫海中山耳

宋

張九成 見前公真草橫斜曲直有張草聖之筆刊之琬琰燦然
可觀縣令趙汝船鏤其尺牘行世見張察家傳

周必大題無垢手書曰永嘉陳求仁同僚期月端方篤實相
助為多臨行出無垢張公與其先君子手書二十幅乃知父
師淵源有自來矣其云大學一篇學者入聖域遠路又云聞
見所得不如踐履之深又云接事遇物於不可意處試吾所
得此最親切者又云閉目前視六十以前已行是非自進自
退亦一快也凡是四端所以修身所以誨人周禮盡在魯矣
尺牘行云乎哉

張少良進士舊時坊治皆其題署

方技

元

張天雨見前伯雨初見趙子昂嘉其作字勁健贈以雲麾將軍
碑墨令師法之書遂超越飲酣伸紙作大草尤妙小楷變率更
家教世稱二絕獨於畫未工或引敗筆點綴木石人物各有賞
鑑蓋論意不論象也

明



貝國器郭店鎮人徙邑城烏鵲橋有異術弟子欲學之不傳也
乃俟其遠出將開笥窺其書覈之則國器在笥中吳元年與鐵
冠道人張中游白下同宿值高皇帝微行假榻烏枕於斗國器
夜出視天曰帝星臨斗帝遽昂首聽之張中曰尚離尺餘也帝
大驚明日召二人至問國器以國號對曰當是大明問張中以

年號對曰當是洪武皆帝心所默定者蓋異焉後恐惑衆將殺

年號對曰當是洪武皆帝心所默定者益異焉後恐惑衆將殺之竟隱刑不復見

胡奎見前作字不俗

王賓許性朱祚並善楷書應薦

見前

唐俞字聖言能書繪教授里中輒課詩督學使者桐城阮鶚表

其門逸史所著雅吟錄行世

小景

千尺飛流萬丈岩不知雲外

幾青山是誰高倚林端
商身在芙蓉紫翠間
客夜殘燈半壁向
人明孤坐無聊夜
幾更白月清霜隣杵急
北風南雁客心驚
蹉跎歲月潘郎髮
穿落貂裘帝子情
回首家園雲樹遠
杳獨憐踪跡是浮萍

沈一鳴字平叔幼失學私從里師口誦之長而教授里中以介

方技

特聞不適於時喜寫花鳥所著有秋吟草春園夢斷愁難斷春

歸人未歸去年隻燕子依舊拂簾飛田家女自今田家女未歸

游冶郎欲隨郎意好耕學画眉長山中山寒易搖落一日雨聲

中雜取階前葉聽來自不同魚為藥牡丹開盡見紅粧晝倚迴

欄日正長疑是漢宮春宴罷美人三五醉瑯琳

周挺字無瑕邑諸生工寫蒲萄氣韻生動詩亦清俊所著疑夢

篇唐詩選脉行世晚輯廣孝錄乙酉八月值危疾夢人攝至冥

府以廣孝錄未終卷重得甦年八十三

張瓛字魯直太學生遥授光祿寺監事少游董太史具昌之門

工行楷好購名蹟太史所書法華經七卷石刻藏於家藝林珍

之

陳玄暉字做真官湖廣參政書法道逸可喜

陳玄暉字倣真官湖廣叅政書法道逸可喜

列女

唐

殷氏顏惟貞妻惟貞早亡子真卿尚幼殷氏躬加訓導

宋

書

譙氏安撫司將官楊奉直妻奉直從駕南渡臨安未幾金犯臨
安奉直在軍子由義年十七氏挈由義及幼女避地鹽官金騎
踵至氏仰天泣謂由義曰汝父必死國難我豈偷生以虧義手
遂携女沉於運河

元

浙

孫氏農家女適杜保二生男方晬保二沒氏矢不移跡撫其孤

列女

克長正至十九^年旌表士大夫顏其堂貞節吉水解縉有記
李氏百戶鄒世聞妻以知禮聞見府志
明

鄧氏歸沈鉉二十八歲娶居舅家其少守義不屈洪武十七年
旌

董氏錢山董鎮女適朱士廉方二十四歲矢節撫孤洪武間旌
臨川聶大年有傳

王氏朱士賢妻

王氏節孝堂詩序

楊士奇

海寧王氏女嫁朱士賢早死王氏年才二十六一子始生舅
姑聞其年少強使他適王氏以死自誓未幾舅姑沒鬻其奩

中物以葬其父母亦亡子紡績織維以養亡所缺父母病巔

中物以葬其父母亦亡子紡績織維以養亡所缺乏母病籲
天到股和藥潛以進母病遂愈人皆以為孝感王氏雖經紀
二氏而不動其夫所為一物以待其子之成立也人皆以節
孝稱之其子既長字曰明善尤盡孝道人皆以為天報之也
明善既新其屋為華堂奉母而鄉人遂以節孝名其堂翰林
曹吉士景暉來請記曰俾有勸也予職在太史烏能已於言
哉王氏以一女子不為欲動情勝毅自處難矣而又能使
兩家咸不落漠是能以義報夫以正事其舅姑孝事其父母
而以身教其子有若明善之賢也豈不尤難乎哉庶幾可謂
令德其節孝有不待言而其才亦可羨哉世之男子有不如
王氏者能無其愧與然世有喜為膠固不通之論者恒曰有

列女

才非婦人也有善非婦人也不論常變而拘以一律夫豈可
哉蓋婦人處人倫之常閨門內上有賢夫下有才子而強務
家改者雖不得謂賢可也若處人倫之變夫死子幼舅姑死
父母獨如王氏者而其才不足以經紀兩家則亦可道哉若
有^其才而不用則又將何以全其節孝哉故若王氏者宜傳之
世以勸則人家之絕而復續危而後安者將必多有之非徒
以誦王氏之才其有功於世道而不少矣此於二南亦何媿
也

孫氏孫敏女適郭彥昭彥昭籍太醫沒都門氏扶柩歸葬年二
十七斷髮絕姑意正統四年十二月丁丑旌

金氏適楊宗文年二十九守節不渝家貧姑老子幼養生送

死悉不違禮守節五十八年宣德八年九月乙未旌

賈氏諸生祝滿婦婚三載啣哀立志成化二十三年旌

平氏孫復生妻復生從叔璋之廣西道卒氏少艾砥節六十餘

年

范福貞適朱銓卒剪髮示志弘治十七年旌惠安張岳有傳

嘉興通判姑蘓王渙作剪髮賦略曰思有身不可以再奪猶吾

髮不可以再續乃入錦緯握絲一束乃引金刀矢天三喁謂生

斯者父母而結斯者夫子垂地覆面痛徹骨髓以心比髮以髮

比死長縷斷兮雲散綠淚血濺兮刀痕紫掩鏡擲髮抱節沒齒

非李妹之委地而自嘆家亡非玉環之剪猷而竊希寵旨壯矣

此髮昔青今白對孤影而謝以膏以沐磨八旬而非一朝一夕

列女

冰炭在心雪霜在頭誰謂髮柔堅兮礪石誰謂髮短節兮千尺
是髮之列古有所似為竇氏女鼻為王寢妻臂又似忠臣有死
無二為常山舌為吳門嘗為王子心為文山髭於呼噫嘻有節
者無髮而有光無節者有髮而無義懷彼二心而不如婦人者
如王旦之削髮何高弁峩冠而擁位

題范節婦剪髮卷

潘潤

一自君鄉賦玉樓百年情事付東流黃昏燈燼無塵夢午夜
雞聲誦柏舟短髮已看霜雪暮丹心無忝汗青收區區莫盡
褒揚意兩世共姜重海陬

朱節婦范氏剪髮歌

沈弘道

香雲擾、滿鏡青一截不惜何心情當時初櫛沐約紅繩亦

曾暗照黃金屏無端一夜秋風零鳳分去不鳴悵恨此

曾暗照黃金屏無端一夜秋風零鳳兮鳳兮去不鳴悵恨此
身死未得孤娥夜冷蟾空明一尺虛高舊時髻寸心已灰無
一星晨雞暮鴉愁苦心百年春夢迷銘旌如何鐵言動鐵石
剛腸怒轉霜花白柔指哀禪寶鏡寒片時已失頭臚黑荒涼
胡古日照斜痕日夜酸風射蘭壁嗟哉一女真壯烈昂重綱
常鎮不滅回盼頽風激清涼松檜真姿表孤節絲絲賣國亦
何多面顏剝落餘赤熱

朱節婦詞

陸垞

覽物類於霄壤或比翼而交柯曰百年以為期胡背捐於頃
俄誓相從於地下彼厥宗之謂何變在保之遺孤羗有待於
撫摩斷髮以矢天分甘蔬糲而斥綺羅意孰能以犯干戈

稟在匣之太阿春與秋其代序兮此心常猶升水之波堂
階夏其未涉兮循中正而無頽昔紅顏之婉兮今素髮之
皤完玉節而無玷兮姓氏上達於鸞坡皇降勅以褒旌兮
偉綽楔之巍峩後與先其相輝兮繫一門胡節之多慨絕絃
之少婦兮或鼓罷而泣歌蹇朝馬之相誓兮而朝夕焉已有
佗羗覩面以厚顏兮矧反目與操戈雖苟得夫榮華兮曾不
免夫唾訶視節嬾之雖死兮其名則耿々而未磨激頽風而
使回兮屹巨障於長河聊陳風以告戒兮與柏舟而同科
董氏適朱俊三載而沒撫其孤鑑初勺飲不入口以宗戚力勉
始強食哭不絕穀後當道表為慈節

戴大賓

望夫歸夫歸定何時兒啼夫不聞妻哭夫不知此身不惜化

望夫歸夫歸定何時兒啼夫不聞妻哭夫不知此身不惜化
為石汝兒無母當怨誰芳草年年青吁嗟夫兮歸不歸

兒弗哭兒哭傷母心汝翁棄汝去汝母愛汝不敢嗔何日兒當言
何日兒當步母養兒兮若復苦吁嗟兒兮莫作潘郎負阿母

王氏適查模弘治十七年旌

書

施氏適郁成正德元年旌

圖

吳列女慶真靈泉鄉吳初女甫笄許字何謙；即故邑令何得
舉孫女未歸而謙卒遂屏膏鉛介誓有終身意父母聞其年少
欲覬奪之慶真號慟求死議遂寢父母縫浚慶真益哀毀兄嫂
欲易其志令宗姻曲諭慶真即破鏡自矢兄嫂以析爨苦之遂
依幼弟景輝紡績自度八年如一日弘治丁巳冬葬謙舅姑先

列女

先期報聞慶真偕兄弟往奠夕欲自盡者三姑防之晨遣歸閉
戶寢室自縊年二十八祔謙墓事聞知縣崔旻立傳

吳烈女贊

知縣

易

綦

春風桃李六禮初交夫婦既定山岳不搖破鏡埋光孤鸞沉
影一身網帶重於九鼎倬彼高岡馬鬣其中生不同處死則
同封嗟哉烈女節義完備所讀何書不識何字

題吳烈女

江

知縣

曹

珪

未親夫面與夫亡不比尋常兒女行白髮尚愁移晚節青年
誰肯棄春光身歸泉下乾坤老名在人間草木香我亦等閒
非出類為渠千載泣網帶

題吳烈女

徐

寬

初妾納君幣永言諧宿願許身兼許心識君未識面今君先
妾逝連理忽分析一女無二夫比翼不單活骨合同君瘞魂
合從君游奈此白日光隔彼黃泉幽妾命草一莖妾心金百
鍊捐生赴冥期庶與君相見

朱淑貞尚寶司御祚之女永樂癸卯生年十三喪父歸光澤教

諭周濟才情婉麗工於詩賦年八哀所著自集游仙詞洞天春

煖碧桃芳瑤草金芝滿路香吹徹玉簫天似水笑騎黃鶴過扶

桑秋日見蝶江空木落雁聲悲霜染丹楓百草萎蝴蝶不知身

似夢又隨秋色上寒枝長信秋詞長信深沉天路遙玉階涼露

濕宮袍不辭團扇輕拋擲復燕俄驚別舊巢明妃玉容憔悴向

胡天為惜黃金悞少年堪笑君王重聲色丹青不畫夢中賢虞

烈女

姬力盡童矐霸氣消楚歌聲斷些雜招貞魂化作原頭草不逐

東風入漢郊金陵懷古石城風起浪聲齊六代興亡動客思吳

苑落花啼杜宇宋臺荒草走狐狸殘香猶染胭脂井遺恨空傳

碧月詞誰道鍾山佳氣歇真龍又見起鍾離秋夜月轉梧桐夜

未央綉屏斜裊篆爐香金風初起桂花落玉露與聲秋夜長碧

海望窮仙路遠紫簫吹徹晚天涼乘槎欲共天孫會惆悵銀河

路渺茫春雨濕雲漠漠雨如絲花滿西園蝶未知金屋晚寒鶯

語澁畫樓春晚燕歸雁宮桃有恨啼紅淚烟柳多情斂翠眉檀

板金尊久寥落孤城愁聽角聲悲吳山懷古萬里中原戰血腥

宋家南渡若為情忠臣有志清沙漠庸主無心復汴京北塞春

風啼蜀魄西湖夜月照瑤箏百年興廢空陳迹回首吳山落照

明惜春挂樹游絲綺繞撲簾飛絮輕狂杜宇喚將春去小桃落

明惜春

挂樹游絲綺統撲簾飛絮輕狂杜宇喚將春去小桃落

畫紅香

竹枝詞西子湖頭賣酒家春風搖蕩酒旗斜行人沽酒

唱歌去踏碎滿山階杏花

橫塘秋老藕花殘雨、吳姬蕩漿

還驚起鴛鴦不成浴翩、氣飛過白鷗灘

病中作

剔盡寒爐夢

不成擁衾危坐到三更不知何處吹羌笛落盡梅花月滿城

中郎事

華屋沉、乳燕飛綠楊深處嚼黃鸝疎簾不捲薰風靜

坐看庭花日影移染甲金盤和露搗晴霞紅透纖、玉笋芽翠

袖籠香理瑤瑟綠陰新綻海棠花

湖曲

湖光山色映柴扇茅屋

踈籬到客稀閒摘松花釀春酒旋栽荷葉製秋衣紅分夜火明

書屋綠漲晴波沒釣磯惟有溪頭雙白鳥朝、相近亦忘機

白

詩詞 西風肅、天雨霜館娃宮深更漏長銀臺絳蠟何煌、笙

列女

歌勸酒催草鷓美入起舞雪滿堂清歌宛轉飛雕梁君王沉醉
樂未央臺前月落天蒼

居貞娥適呂詢、病癩不省人事尋沒姑圖奪志不可分出之

北鄉田舍携柩往寒餓幾三十年死許給事相卿合墓詢橫塘

作傳稱貞娥以雖有家猶終處室焉娥之貞云爾嗚呼微給事

娥且晦矣



虞嫻錢山董酒妻少慧知書年十六歸酒浹月酒暴卒嫻慟甚

屏服飾絕笑語刻木像事之十五年精誠之極若有形響舅火

之嫻壽五十二晚作璇璣圖未及綉以沒題画菊移種陶家未

及秋淵明去後色添愁抱香甘向枝頭死不墜飄風逐水流咏

竹一片貞心古井泉清寒徹骨自堪憐相看歲莫青、色歷盡

冰霜戴一天新曆靜守深閨不記年又須新曆到莊前任他春

冰霜戴一天 新曆靜守深閨不記年
又須新曆到粧前任他春色年
換一點貞心古井泉題扇函鳩鶴
樹頭鳩鶴鳥安分獨栖遲
縱使飢寒迫何心棄舊板
祝親姑壽悶愁幃裡拈香祝
壽堂肉顏消夕色老貌淡秋霜
白首新添線紅塵不染鄉
吾姑形鶴鳥巢近舊池塘

傳論

許相卿

婦以節事夫義也然時遇連遭全於堅忍
概來眇忽貴於決從決從俄頃而堅忍將終身焉
故一節也惟時與熾而難易慰懸笑是故江漲待符貞
姜溺旅舍斷臂王婦決惡疾偕來宋女貞早寡
終養孝婦義自刑全節梁行高浴室畢命陰妻壯
殘形顯操魏婦激投崖軒死二竇勇血書清風王婦烈禮殿

列女

血像譚婦靈是其節何可軒輊而難易自非一律也故仲由
結纓王燭伏劍概之胡廷十九年不屈之臣同一節耳而子
卿險艱倍十百矣節婦亦云悲夫

吳氏諸生周東妻生子踰歲東卒子不殤氏年十八事堂上不
失

章氏朱璋妻璋没子僅八月氏欲殉之姑力慰之諭竟撫其子
衣售鄉舉終湘潭令

陳氏貢士徐燧妻嘉靖丙辰避倭懼不自免携季女投河絕燧
裾使母援也時女婦多殉節惜失傳

李氏毛穎妻年二十三守志屏華飾足不越戶矢節回四十一
年子鳳章見府志

徐氏談輔妻輔天隻影存孤知縣許天贈表其閭

范氏碇石嚴執中妻萬曆

年旌

徐氏適諸生查懋功早世氏年十九破鏡見志

破鏡行

慈谿觀察 劉憲龍

君不見一聲旅雁叫孤雛帶月飛來影自疎
又不見蕪原城頭返哺鳥歸飛提提鳴鳴
人生節孝當如此列婦閭之泣不止憶昔
當年嫁與君頻望粧臺祝鏡神願作松蘿
千歲古與君隻栖共一枝身詎知變起不
須臾白日皇泉路忽殊閉玉埋香寧復
旦夜臺寂寞誰相愉幾番欲塋青邱草
回首高堂不敢道無夫有婦應同死有
母無兒仗誰老可憐此恨無人說笑把
菱花對君折從君今罷却黃金粧寸心
暗誓南樓

月為君養分溫與清為君守分名和節肯將黃鵠故雄心甘
讓柏舟之死烈吁嗟此媪今古稀高標勅氣天地齊我今擊
節歌破鏡西風一曲鸕鷀啼

半鏡贊

書

館

茅坤

嗟彼鏡兮團如月半而剖之光如缺一以置於夫之懷一以
留為婦之玦生同衾兮死同穴千秋之下化作雙龍劍劍兮雌
雄相隨共起忽嗚呼茲所謂娶宿之精兮予書之名不滅

茅氏君翼隆妻年二十二而寡以死節著

朱氏諸生俞履貞妻年十八歲守志四十年縞素不改七子族
里不以聞

馬氏黃崗孫率祖妻年十七遭痛苦節五十餘年宗伯董其昌贊

新黃為飾幽蘭為佩玉之潔不可涅蘭之香不可絕斯與古今

其氏黃崗孫率妻年十七遭瀾苦節五十餘年宗伯董其昌贊

玲璜為飾幽蘭為佩王之潔不可湮蘭之香不可絕斯與古今
之貞婦壽母垂嬪則而稱宗女者同根而共節雖君王築臺猶
非其所屑又何有於官司之棹楔

許氏黃岡馬鍾英妻素知書撫孤秉禮常作詞寄意天啟年

氏弟比部許令典上疏得旌

書

沈氏魏印妻氏少女隣人陸萬年每嘲言相屬印偶出萬乘夜

擣門入其室氏堅拒奪其帽大聲呼救萬年奔脫夫回告以故

訖縣隣人邀之歸置酒相勸氏曰吾不得為魏郎婦矣晨起飲

適死以見志 王在晉西湖小草

莫氏陳 妻吾里中佃婦夫沒族人覬嫁之詈不絕聲今依

其子差足自食雖賤微自不可掩

烈女

談遷

并荷鋤朝夕伴耕桑簞笠空遺轉自傷
泪眼不啼刀上月寒砧
惟擣嫁時裳髻從雲亂羞臨鏡
舌為天高恨下堂十畝青苗
應已足知無丹穴動秦皇

郭氏太學生陳祖萊妻崇禎年嗣子之暹上疏得旌

高氏碣石王化成繼妻化成補郡諸生試輒冠軍有雋望孝友
無間惜賣志以沒化成在日事親曲盡氏力助之廩餼館穀毋
少私焉初氏到股愈母疾蓋至性然矣化成中棄勵志撫孤不
替其業當道嘉重焉

趙氏東莊村趙退菴女適頤少娶居奉姑張氏克如禮姑

危疾到股進之而愈談遷作孝婦傳

高氏族石孝廉沈端婦嫻於內則能詩朗潔可誦遺稿若干首

高氏碣石孝廉沈端婦嫻於內則能詩朗潔可誦遺稿若干首
嗣刻

朱氏祝以旃婦十八結褵以旃嘗夢謫仙見携墜河死婦居貧
洗粧手織絰自度粟可五合許歷四十年如一日一侍兒自隨
分甘縮苦及笄遣之不忍割固遣之則泣數行下曰奈此伶仃
者何速遭十載始去未幾所天殞歸節婦者終其身至誠感
人亦一異也

卜氏碣石周宗彞妻弘光乙酉宗彞團鄉兵舉義八月望北兵
猝至氏知禍携其子投池中從死者甚衆

沈茂華女年十七歲值北兵至自縊至第三日其家始知置未
櫃中焚之

潘氏碭石沈彙樞妻弘光乙酉八月北兵至沈被執氏計脫其夫伴從賊至王店鎮投河死觀者義之

沈氏諸生徐元嘉妻家邑城乙酉七月見掠北兵不屈死

諸生周佩蘭婦褚氏北兵至抱血孩投唐氏池中

朱氏靈泉鄉頌妻丙戌秋北兵來其里捕盜欲汚氏奮身

投河仍被殺

葛妻蔣氏被掠投河死

嗚呼節婦俱多惜失其傳

仙釋

褚伯玉鹽官人東晉時居南霍遊行諸山上虞吳曇授許掾書西

嶽公禁土符許掾為上計及楊書中黃制虎豹符楊義所書也

真降受凡二短卷常帶自隨至梁大同二年正月元日駕鶴登

天至今有鶴林宮在寧德縣霍立皇山

天至今有鶴林宮在寧德縣霍童山

晉

葛洪字稚川句容人家貧好學伐薪買紙筆且錄且讀杜門却掃不妄交游南海太守鮑玄妻以女授洪內養之術都督秘辟為尉以平賊功賜爵關內侯不拜聞交趾出丹砂乃乞句漏令許之嗣後歷覽名勝遺蹟最廣偶至硤石經年去之今紫微山丹井又縣東北十六里丹灶存其跡

唐

馬湘字自然世邑掾湘獨好學貌寢善飲棄家遠遊遇道者携入石井令致書於蜀旋出称石井仙常醉墮雪言溪經日衣不濡出曰適項羽招飲時隻拳入鼻又指溪水令逆流指柳逐水指

仙釋

橋斷而復續常州刺史馬植飲之即席種瓜於甌頃刻秀實剖
之甘又周身取錢七筭投井中呼之一、飛出收者失焉符逐
鼠、成群出城去每賒酒於白塔巷出囊藥化賣酒鐵器為紫
金游越州經洞簾麓禪院方齋湘與婺州道士王知微弟子王
延叟入不見禮去之宿諸暨南店中去院七十里夜有跡者至
二僧懇曰諸生失候至今不得下床幸免之湘戒以此後毋
嘗求菘不獲画氣飛鷺啄其菜主人再三逐之又畫犬走敗其
圃主人懇免收鷺犬入懷菘如故南遊霍童山逆旅夜辭之湘
走入壁永康天寶觀有大枯松曰三千年餘矣即化石果然遊
宮觀岩洞多題詩或以疾告杖擊其處腹疾則杖指其口吹之
如雷聲即愈或折薪呵而與食亡不差跛躄者杖叩之立舒所

受魏以貴貧者一日互而兄出語漫曰吾欲析兄東園語畢遽

受餽以遺貧者一日返而兄出語嫂曰吾欲析兄東園語畢遽
卒兄葬之東園是夕鞠然有聲時大中十一年明年東川奏到
^劍南梓潼縣有道士馬自然白日上昇湘在東川語人曰吾羽化
浙西今又奉玉旨皇詔耳勅杭州推塚僅竹杖存

馬湘

昔日曾隨魏伯陽無端醉卧紫金床東君謂我多情懶罰向
人間作酒狂

登秦望山

太乙初分何處尋空留曆數變人心九天日月移朝暮萬里
山川自古今風動水光吞遠徼雨添嵐氣沒高林秦皇漫作
驅山計滄海茫茫轉更深

仙釋

悟空禪師齊安俗姓李生時神光照室有異僧指目之後嗣祖
道有僧向大梅如何是西來意大梅曰西來無意師聞之曰一
个棺材两个死漢師一日喚侍者將犀牛扇子來侍者曰破也
師曰扇子既破還我犀牛兒來師識宣宗微時暨即位號安國
師佛法由是復振卒塋安國寺西勅謚悟空禪師會昌壬戌十
二月廿一日朝散大夫行尚書吏部員外郎上護軍賜緋衣魚
袋盧簡求撰鎮國海昌院禪門大師塔銘云禪師名齊安則知
鎮國海昌乃安國舊名而師亦嘗有禪門之號尋值毀壞宣宗
即位重修佛事簡求再題陰時大中壬申十月一日銀青光祿
大夫使持節都督壽州諸軍事壽州刺史兼御史中丞充本州
團練使上柱國范陽縣開國男食邑三百戶盧簡求紀於碑陰

長慶慧稜禪師姓孫氏年十三於蘓州通玄寺出家遂叅靈雲
問佛法大意曰驢事未去馬事到來師往來雪峰玄沙二十年
間坐破七个蒲團不明此事一日捲簾大悟曰頌曰也大差也
大差捲起簾未見天下有人問我解何宗拈起佛子臂口打峰
舉謂玄沙曰此子徹去也玄沙曰此是意識著述更須勘過始
得晚上堂問訊峰謂師曰備頭陀未肯汝在寔有証對衆舉來師
頌曰萬象之中獨露身惟人自肯乃相親昔時謬向途中覽覓今
日看來火裡冰乃頌玄沙曰不可更是意識著述後唐長慶三
年坐寂

宋

文惠禪師守璋姓王幼以試經度為僧潔修善詩所著有柿園

集

圖經作文慧
講師松園集

紹熙二年春孝宗幸圓覺寺見集手書其晚春

詩及邑人王恕和詩以賜寺僧惟仰德信晚春草深烟景重林

茂夕陽微不雨花猶落無風絮自飛王恕和天與清才壓孟郊品

題光景到纖毫春工十絕搜尋苦從此詩名詩日更高

高宗賜守璋詩

古寺春山秋更妍長松修竹翠含烟汲泉擬與增茶興暫就

僧房借榻眠

德明姓顧守璋弟子紹興十八年禮徑山專歌了禪師、夢復

月入寺心竊異之問荅相契為留四年嘗觀溜以杵通竹節有

聲豁然有悟其徒號為竹筒和尚二十三年勅住崇光顯孝寺

二十五年再召入慈寧殿升座說般若賜法衣且給牒度其徒

一人有簷堂竹筒和尚尚語錄行世

一人有澹堂竹筒和尚語錄行世

惟尚姓曹七歲出家師事慶善寺元辯編叅名宿晚歸壽聖禪院年六十七塋院西張無垢先生碑銘曰道在方寸文字莫宣可與神會雜用語傳偉哉禪師識超象先挽而莫留歟飛逝川橫翔意外高視大千節如霜筠檢如電鞭嗚呼往矣其誰徒焉

智標姓朱感夢為僧叅賢首宗教住常州華嚴院禳旱而雨孫尚書稱之後以寒食日集衆說偈而逝嘗建塔審山

元
慧日姓金號東谷叅天池元翁禪師遂契宗旨後於碓石圓覺
蘭若以闡玄風有東谷語錄十猫頌行世

明

仙釋

普智姓葉幼聰敏於邑本華嚴院出家叅禮希古尚法師傳賢
首宗教真誠淡泊壽七十三茶毘後齒牙根不壞塔安國寺東
克諧字古音天台奚氏子幼讀書一日成誦年十五辭家往上
虞法果寺僧曇郁得度又走娶之渡林見南翁凱公詢姿道要
嘗侍成祖於燕卽受賜南還辛巳十一月三日坐寂茶毘後得
五色舍利

宗宋解姓王海鹽人幼聰慧十一歲從硤石廣福院僧弘道出家
後從無際任禪師引叅海門天真和尚舉狗子無佛性語言下
有悟辭歸深得圭峰禪師之奧旨

海昌外志

素林談遷孺木著

叢談志

官

金石不同質玄黃不同采聲色所不遺也邑沿革不一其事散見於諸家曰祥異曰古蹟曰邱墓曰佚事博徵而詳覈之

如獲珙璧作叢談志

祥異

圖

吳赤烏十二年冬十二月寶鼎見臨平湖中因稱鼎湖初吳人掘地得銀尺上有刻文吳主因改元天冊又得小石青色長四寸廣二寸作皇帝字改元天璽是年湖開晉咸寧三年秋八月吳人或言於吳主曰臨平湖自漢末穢塞長老言湖塞天下亂湖開天下

祥異

平近者無故忽開此天下當太平青蓋入洛之祥也吳主以問
都尉陳訓對曰臣止能望氣不能達湖之開塞退而告其友曰
青蓋入壁洛者銜壁之事也

晉武帝時臨平岸崩得石鼓扣之無聲以問張華對曰頃蜀中
桐木刻魚形扣之果聲聞數十里

安帝元興二年冬十月臨平湖水赤桓玄諷吳使開除以為已
瑞俄而玄敗

宋文帝元嘉十八年秋七月吳郡鹽官獲白雀太守劉禎以獻
元嘉二十年四白雀產於民家

齊武帝永明三年富陽民唐寓之作亂會稽太守沈文季遣吳
嘉興海鹽官民丁救之賊分兵出諸縣鹽官令蕭元蔚逃走

永明七年夏六月鹽官獲白雀

永明九年鹽官縣石浦有海魚乘潮來潮退不得去長三十餘

丈黑色無鱗未死有聲如牛土人呼為海盜取食之此京房所

謂魚孽也

梁天監七年邑人弘靈度井中放光三日不止獲銅僧伽像因

舍宅為寺即今慶善寺

陳高祖永定二年十二月壬申割吳郡鹽官海鹽前京三縣置

海寧郡屬揚州

陳禎明元年冬十一月臨平湖久塞忽自開後主惡之自賣寺為

奴以厭之尹遂昌曰吳臨平湖開而吳亡陳臨平湖開而陳滅

陳主不知修省自賣為奴則何益哉

祥異

嘉興海鹽官民丁救之賊分兵出諸縣鹽官會蕭元蔚姓夫

唐玄宗開元九年重築捍海塘廣二丈高一丈長一百二十四里

貞元六年夏大旱

文宗太和元年春大疫

太和四年夏大雨水

僖宗乾符六年曹師雄寇兩浙杭州募諸縣團鄉兵千人臨平

董昌錢塘劉孟安阮結富春閭人字鹽官徐及新城杜稜餘杭

凌文舉臨安曹信各為都將號杭州八都

宋神宗熙寧元年十月詔杭州之長安秀水之青杉常州之望

亭三堰監護使臣並以管幹河塘繫銜

熙寧八年縣自三月地產物如珠可造飯水產菜如菌可為菹

館書

民賴以充食

和政二年七月兵部尚書張閱言錢塘江北年水勢稍改自海門遇赭山即回薄岩門白石一帶北岸壞民田及鹽亭監地東西三十餘里詔修築之

政和六年閏正月知杭州李偃言陽村巖門白石並錢塘江通大海日受兩潮漸致侵嚙乞依六和塔岸用石砌壘乃命劉旣

濟修治

宋史

政和丙申杭州湯村海溢壞民居田廬凡數十里朝廷降鐵符十道以鎮之壬寅歲鹽官縣亦溢縣南至海四十里而水之所嚙去邑聚才數里邑人甚怨十一月鐵符又至其數如湯村每一符重百觔正面鑄神符又御書咒貯以青木匣府遣曹官同

祥異

都道正管押下縣、建道場設醮投之海中初鹽官自投符後
稍、沙漲前此一經制司差一武經郎路升措置水利乃欲築
長堤以捍潮勢其論尤迂誕杭帥翁彥國曰笑平生且不見人
修海泊宅編

厚熙二年兩浙漕臣趙璠老言臨安府長安棹至許村巡簡司
一帶漕河淺澁請出錢米費兩岸人戶出力開濬

建炎三年三月高宗南渡庚辰費秀州次長安閘辛巳次杭州

陳璠
日曆

紹熙元年春大疫

鹽官令陳恕築二十里塘民利之號甘棠隄

紹熙二年飢米斗千錢

浙

書

孝宗乾道四年十月四日上閱武芽津三百騎前一日於赭山

孝宗乾道四年十月四日上閱武茅灘三百騎前一日於赭山打圍射獵兔俟教陣畢以射到禕免至御下進獻

慶元三年秋七月

嘉定三年五月鹽官大水溺死者衆十二年潮決平野二十里

蜀山淪入於海聚落田疇失其丰壤鄉田初有巨魚橫海岸民

齋食之海患六年始平

端平四年大飢

德祐二年正月壬午元伯顏至長安鎮其將唆都阿荅海昏以

兵來會宋丞相陳宜中違約不往甲申伯顏乃進次舉高亭丞

相文天祥屯餘杭閩人林琦結集赭山忠義捍禦海道

文文山集

元兵之伐宋也分三道入臨安董文炳領左軍沿江入海循海

祥異

而南由華亭澉浦次於鹽官鹽官待援招之不下將佐請屠之
文炳曰縣去臨安僅百里聲勢相及臨安約降已有成言吾輕
殺一人即害大計况屠一城乎於是遣人入城諭以大意守者
遂降世祖時高睿為浙西肅政廉訪使時鹽官民有結黨持郡
邑短長者其目曰十老長吏莫敢向睿廉得其實悉委以法圖
境快之拜江浙行臺侍御使

元成帝大德三年潮決海塘

見前

六年飢

仁宗延祐元年海溢陷地三十餘里時議州後北門添築土塘

然後築石塘東西四十三里後以潮汐沙漲而止

泰定元年十一月癸亥海溢侵城郭遣使祀海神疊石為塘

二年海潮衝隄請名僧宏濟詛之足跡所至土皆凝然

紹興

二年海潮衝隄請名僧宏濟詛之足跡所至土皆凝堅紹興志

四年春二月風潮大作壞州郭四里四月潮侵地十九里都水

少監張仲仁及行省官發工匠二萬餘人修治又令僧人誦經

天師致祭制曰可八月潮勢洶洶以竹絡木柵實石四千六百

九十塞之用鈔七十九萬四千餘錠糧四萬六千三百餘石接

續興修

致和元年三月甲申置戶部尚書李家奴往鹽官祀海神仍集

議修海岸命造浮屠百十有六以厭海溢四月壬寅李家奴以

作石圍捍海議聞

至正八年四月海寧州盜起元史

浙

十年達魯花赤當任知州趙光祖修長安三閘

祥異

十七年江浙行省平章慶童出鎮海寧居二年盜息民阜名拜翰林學士承旨

十九年張士誠城海寧

館

兵部尚書伯顏帖木兒戶部尚書齊履航海至杭州徵張士誠

粟方谷真具舟泊澉浦張氏粟達石墩又一舍抵澉浦乃載於

舟粟十萬元文嶼字不作澉

圖

明

江

太祖嘗夢三人頭上有血以土傳之覺而語劉基將欲刑人基曰三人頭上有血此衆字也以土傳之得土得衆之象也後三日當有驗越三日果海寧降上大喜悉以所留刑者俾劉基繼之去劉誠意集

洪武二年二月改海寧州為縣

洪武二年二月改海寧州為縣

設硤石巡簡司

永樂三年海溢

六年海決赭山巡簡司陷沒

九年海復決流六千七百餘戶淪田幾二千頃

十五年十二月增置海寧所烽墩高臺

十八年夏四月左通政岳福奏修仁和海寧塘岸時風潮陷四

千五百餘丈

洪熙元年縣流民復業初逃徙九千一百餘戶欠夏稅絲綿四

萬餘勛糧三萬餘石乞恩免從之

宣德二年以海患詔免田租

祥異

館

圖

江

浙

正統六年五月辛丑行在工部奏海寧縣請濬大東門外官河
小東外園花塘河北門硤石塘河城中水門及築瓦石堰二所
其請皆便民宜令農閒時委官督工修理從之

十二年八月海水溢

書

景泰辛未夏大飢斗米百餘錢
五年正月大雪連旬鳥雀俱死

圖

天順元年大旱

江

成化八年七月海溢朱淑貞詩颶風拔木浪如山振蕩乾坤頃
刻間臨海人家千萬戶漂流不見一人還

十三年二月海決區城

二十三年秋大旱八月海塘成

弘治十八年九月壬辰夜地震

正德十二年四月甲子夜地震

嘉靖元年春夏大水田成巨河董儒積雨詩積雨高江正急流
深春風物冷於秋睢陽廟下花爭發鹽官城西花自愁紫陌陰
寒誰拾翠白頭心事尚橫舟青鞵三百酒一斗明日臨邛負六

游

己丑七月饑

辛酉大水

己亥唐寅海濱及於隄

己亥大飢癸卯甲辰倭飢

丙午千戶湯執中池側產連理竹二時謂孝感所致

祥異

浙江圖

戊申倭犯黃灣秦駐塢海鹽健兒童欽等死之

壬子冬有四虎啣福薪穴石墩民場民驚避之數日一虎失足
硿石中不能出而死餘虎不復見蓋兵兆也

癸丑夏四月癸未倭四十二人自海鹽經袁花屯赭山數日把

總杭州前衛指揮陳善道以民兵三百人禦之陳乃叅將萬表

壻也方出師家人具饌大言曰吾滅此而後朝食遇賊即陷伏

中萬將軍素好施有少林僧自幼行脚善鉄棍以鉄條貫古大

錢長八尺嘗德萬公欲為其婿報且曰吾輩不願受中丞約集

黨八十餘迎擊賊，戰每搖白羽扇僧識為蝴蝶陣令軍人簪

石榴花僧自張一蓋作採花狀賊渠帥二大王望僧即若縛手

僧雖殺之并斃數賊我兵爭級至相擄傷僧怒揮蓋倭進退迫之

民兵皆烏合而貴善道獨戰於泥淖中靴滑而撲遇害壯士潘

民兵昏烏合而潰善道獨戰於泥淖中靴滑而撲遇害壯士潘
賓王貴力鬪死數日倭縱掠江舟而去指揮吳懋宣率僧兵搜
巢遇遺賊數輩被創歸沒癸卯別部倭七十餘人流掠村落六
月松陽知縣羅拱辰攝海鹽事以兵至先鋒項東岡覘虛實引
數十人抵石墩斬賊一級餘奔尖山祠項獨追入祠破其門無
援被殺傷我十數人次日羅至已掠海舟去

甲寅夏四月辛巳倭千人入海鹽自談山來屯黃灣掠袁花市
焚劫甚慘南攻邑城不克掠轉塘徐氏西自袁花歷黃岡麥墩
西北抵硤石還歷談山所過數十里無人相執廟灣周氏二諸
生令負擔不任釘手足於樹殺之宿朱家柵守港道以布漬油
煙火於長竿徹夜如晝督撫王忬檄僉事羅拱辰叅將盧鏜都

祥異

指揮周應禎來援癸巳掠談山乙未周應禎唐寅行部諭師
卒卯戰石墩傷狼兵百人壬辰掠黃灣癸巳掠談山乙未周應
禎自崇教寺進及黃山陣如半月形賊望而呼為牛角陣咒之
應禎馬蹶遇害失亡二千人應禎前事被劾奪職耻之盡捐資
募北兵千人赴浙時學憲阮鶚書勉之荅曰兵法十圍五攻賊
勢甚衆急攻未得良策若有可乘之機當盡死力圖之必不敢
後書至浹日而死賊乘勝立柵益淫掠我軍觀望莫敢前五
壬子朔掠黃岡乙卯別賊舟二計九十二人赴石墩賊不納流
掠崇德乙巳抵邑城廬鐘戰廿里亭不利而退丁未石墩賊掠
袁花而東海鹽義民曹秩曹禎以鄉兵迎敵賊不敢渡復屯黃
灣丙辰出談山丁巳泛海次白塔山海鹽兵追敗之斬三百四

十級俘三十一人

九月丁未倭一舟計四十三人泊石墩就炊民舍次日東掠海鹽渡東洋橋為官兵敗逸

十月戊辰朔乙亥賊百餘泊石墩大舟一詭言官兵行汲暮而大掠戊寅解維遇官舟登陸辛巳丁總兵擊之俘十二人賊逸

乙卯正月己亥倭三千餘人自海鹽西掠袁花載輜重由黃道湖抵硤石盜魁葉麻舊掠袁花祝氏婦時携以行賊過海鹽南關婦按轡語賊頗受其約束前鋒六騎按劍守硤石口時歲初人皆酣飲忽殺掠焚擄七美

四月壬申倭自海鹽來西鹽倉白都司兵敗失亡其半賊分屯袁花硤石焚掠相望硤賊據惠力寺山巔樹大白旗出則樹歸

祥異

即偃之掠婦女縑絲極裸辱之慘壬午掠林北去

五月戊午倭千餘人自海鹽經表花明日暮掠長安初伴市飯
飯畢遂分入客舍殺掠辛酉寇餘杭城

六月庚午盜魁葉麻遣百餘賊駕六舟至表花取祝氏婦、杭
人有姿葉劫孽之居沙久一日思歸流涕葉遣還會徐海飲酣
語葉及祝氏欲娶之葉大怒故有是遣明日登舟至賊巢觴賀

累日

丙辰二月硤石錢燦作亂胡摠督宗憲嘗戰嘉興北麓榜而溺
燦棹出之燦初犯法繫獄有舉其力遂從軍既怙功暴掠相鄉
諸生胡鶴齡約同逆謀泄燦斬捕卒及已妻子匿邑人許生家
索之急次日與黨蔡義脅教百人於硤石揭竿置旂官兵追捕

道太湖或云入倭黨不知所終胡許徽死

遁太湖或云入倭黨不知所終胡許獄死

丁丑

倭復犯硤石

隆慶元年正月訛言採宮人童男女嫁娶殆盡

知縣許天贈丈田里立圖長一人分都圖標畧次號又定筭手
一人給六尺步弓同業戶丈量造冊凡為里三百五十五圩三
千四百五十七田地山蕩九十二萬二千七百六畝有奇

萬曆乙亥五月朔晦潮溢壞塘二千餘丈溺百餘家人傷田禾
八萬餘畝

丁丑九月海塘成築石塘七百五十二丈修千七百九十二丈計
費十萬金

丙戌五月大水是年稔

祥異

丁亥七月潮溢

戊子巳丑大飢疫浮胥蔽水巳丑八月

地震

甲午夏五月夏見瑞麥

館

海濱及於隄竿測之未竟邑人大恐知縣王家賓修治海隄

甲辰十月夜地震

戊申五月大水是年不害稼有旨改漕仍舊粟賑飢民初未蒙

卹邑人葉時等奏上許之

江

庚申七月末末值一兩二錢坊市閉糴致惡少攘奪通判胡承

烈署縣惡少群入其署脅往陳叅政門求糴承烈執引劍自刎

陳氏許糴三日乃定是歲後米價並不甚減

天啟辛酉二月訛言選宮人嫁娶如隆慶時

御前桃樹一花結實為桃李居人異之携示城中三月十一日

鄉間桃樹一花結實為桃李居人異之携示城中三月十一日

包公剡銷

夏綴銓

癸亥十二月二十二日地震

東鄉民家生瓶二尾八足民家怪而斃之携粥市中

甲子正月十一日雷震戚石灰橋擊死王氏男兩竟夕水色俱

黑

海濱及於隄議修築上下俱文具



崇禎元年七月廿三日潮决深入平野二十里漂溺人畜廩舍

無萬數

乙亥十一月二十六日地震

浙

戊寅六月辛亥暮大風潮决城西至於赭山溺人畜傷稼

祥異

庚辰秋米涌貴值二兩

辛巳夏六月大蝗旱民飢疫鬻子女售田舍塗有橫殍而賦稅如故加苛焉始若田累

壬午春袁花鎮邱氏兄弟業屠狗陰斃人子女煮稱犬肉時斤百二十錢邱氏獨八十錢或以其價廉伺得之逮訴縣令曾居曹謹以杖釋又長安鎮西柵某殺人作肉丸以市里嫗挈少女行而稍後失女所在跡至其家方在刀砧間狀聞縣亦杖釋春夏間未值銀三兩人不聊生

十二月城東三里橋有海象乘潮而至潮退不能去偃於沙上二十餘丈高二三丈人爭割之不盡流腐及秧田廟

甲申二月西鄉人苦陳氏葛氏之威群噪上臺會國變事漸解

已丑秋湖塘廟東張匠家剖黃瓜得蠶其家竟無他異

已丑秋湖塘廟東張匠家剖黃瓜得鱉其家竟無他異

古蹟

海昌府縣南二十里周五里隋大業元年廢按陸廣微吳地記

云海昌都尉之治

清遠樓今廢

題清遠樓

文天祥

高閣晴空上登臨憶舊游竹床虛卧月松戶半扁秋山截鳥

飛處江流天盡頭相留惟少憇玄得冥搜

海山一覽樓 失其處

題海山一覽樓

朱祚

風翻巨浪千尋碧雨沐群峰萬仞秋凍氣逼人來枕簟晴雲

古蹟

浙

圖

書

食

西車二月五日... 陳氏葛氏之威... 聲上... 會國... 事漸解

飛影傍簾鉤

聽潮軒 並失其處

聽潮軒

館

張寧

海門蕩、天風來雪濤千里如山推空雷隱地雨將作萬鼓
齊伐車喧亟初疑群繩爭振翼忽若烘爐供湯液風回籟歇
如漸遠兵馬蕭、走勅敵年去年來似有期春秋長落幾人
思天涯共道初未懼夢裡空驚夜語時海濱老禪得深趣禪
居正近潮未處山空木落境無人地迥天高歲云莫塵緣斷
盡復耳清天机自動非人殺上方鐘梵隨風散下界棲臺孤
月明風微月朗衆將定將定猶聞心轉淨來非有為去無情
留連世韵何須聽見說空軒百事無音聲色相盡成虛禪家

自有西來話莫向中州說六如

環綠軒長安游氏立宋濂賦云水竹佳致諸書雅懷樂只君子
悠哉悠哉

小桃源縣東北六十里舊名湖塘里一日清平里參政周伯琦
題正至正二十三年十月建寧路儒學教授天台徐一夔有記
元末貢玩齋先生隱處

題小桃源

張昱

文物湖塘第一邨尚書曾與共高門已甘海味充盤飭不厭
桃花伴酒樽百畝桑麻生計足一經風雨舊堂存陶潛所記
龍洞處不識州城老子孫

小桃源

古蹟

唐蕭處敬

地號小桃源年多聚族繁荒茅先代屋喬木故家園不許溪
漁入常隨野鶴鹿奔雲深綿似幕山匝萃成屯藥氣烟中白醅
香石上樽吟邊鷗引棹行處犢勝轅軻惟存古幾不受
喧吾廬能此卜白首更何年言書

小桃源

朱右

源上桃花千樹春懸知高隱離風塵林園畫盡靜聞鷄犬洲
島雲深接鳳麟十載兵戈黃霧隔一邨桑柘綠烟深昇平處
處安耕鑿不借漁舟往向津

望硤軒今廢

浙

題望硤軒

胡奎

雙峰何亭之如弟復如兄紫薇剝即去已遠山今猶有紫薇

名太瘦子儒生未三十玉樹英向人立堂上親今白頭晨

名太學儒生來未三十玉樹英、向人立堂上有、今白頭晨
昏定省嗟何及書往書來春復秋壁水竟作三年留鳳凰臺
上一回首千里雲生東海頭東海東頭白雲起望碇之心何日已安得
爾雲化為五色衣朝、莫、當庭圍初、莫、當庭圍不勞
望雲思遠歸

書

巍、手紫薇之山今雙峰並峙子西東上干織女之銀浦下
瞰蛟人之貝宮天鷄三唱海日紅雲窓霧閣風玲瓏俞家兄
弟揖華屋空翠飛落軒櫺中堂上有親顏色好長年服食金
光草笑傾阿母九霞觴啖以安期玉文素三年仲子在成均
回望天南多白雲知憑海鶴附書至遙見兩峰如見親俞生
俞生忠孝者行看赤車馳駟馬前度劉郎未足誇重來還對

古蹟

紫薇花

淳樸園沈祐隱居今廢

淳樸園記

董穀

淳樸園者吾友沈子園也沈子幽潛之士予不獨慕其人亦
 慕其居居於紫硤之陽晉葛洪所治唐顧况之隱居者也其
 在於古木石秀鬱稀絕人跡高流奇士棲賢飲水以全其天
 至於後世萬鬻萃焉沿麓溯流四達其衢破厥風氣散厥真
 純沈子懸弧於斯勝髮於斯也仰眺雙峰下弄清溪則心悠
 然乃游於市則情哢然順逆交於中而得古今之所以異中
 歲則自謀曰吾何以處茲以自藏吾其為漢陰之叟矣吾固
 非崇素封之術者詩曰十畝之間兮桑者_行聞之兮與子旋兮

沈子... 與子旋兮... 吾欲返於初誠不可

十畝之外兮桑者泄，兮與子遊逝兮吾欲返於初誠不可
以他求乃作園又曰吾園名以淳樸杖其間者耳不聞軍國
四方之事巧織喧嘩不接於目蓋靜者所宜也雜蒔草花果
蔬氣至則吾得而啜之食焉食焉吾無取必焉尔已矣於是
董生曰篤哉沈子之志余未能一遊其向然觀其言知道矣
是其人蓋好古而憂時者也予昔舟行見其山環而水阻欲
求古高流奇士與游而不可得客有為我指點書堆丹井慨
然猶望見之夫人溺於汚濁則羨清冷久於卑陋則思高騫
厭於紛華則賞退靜苦於澆漓則慕朴茂有感於今則欲起
昔人於地下苟天理未全滅則其秉彛同也矧夫沈子知道
之士志存尚友宜其先我得矣韓退之讀崔山君鶴言事謂

其有憤世之意予與沈子亦云夫今之時家有百金之產則
公府有千金之需是令以偷也沈子於是乎力葵焉以自給薄
取於世夫薄取於世亦而世薄求之是兩厚也兩厚者厚朴之道
也道必有其由始詩曰孝子不遺永錫爾類其沈子之謂乎

上管寨縣西南一里

黃灣寨

硤石寨

許柳寨

長安寨

孟廢

長安巡簡司

硤石巡簡司

浙江圖

黃灣巡簡司並元置
童兒塔縣西南五里

重修塔記

鹽官古牒縣南隅有一佛祠曰靈塔世說相傳以唐季撓攘
為黃賊焚掠近歲西南郊林墅間夜有光亘天邑人沈暉訪
而視之得一壞浮圖且莫知其所由始也稽諸里老僉謂昔
此地有佛宮里之兒童繫瓦礫為小塔其間且有嘉瑞後人
增飾之成浮圖而焚棄於五季之兵火故所遺餘者如此而
已其下有黑蛇長數尋蟠護不去而宵夜昏黑則開放火光
紅輝屬天明徹幽隱然不知其所謂始也然則此非謂所靈
塔之遺跡與前數年邑有人名曰者治塋域且用塔以為應

按而語人曰此去歲餘塔復興矣後逾歲果有淨信願加修
治璋聞其作興乃與同志共率其緣協力以相其事始事於
元祐戊辰二月成於四月然則此塔之來信久矣噫數百年
荒圯之地一旦營繕乃與日者之識識若合符節果術數之精
如此耶比有過客善風水嘗過余而言曰直隸之西有水曰
淡塘其源自錢唐原來而於卦得辛兌之龍於經得秀文氣地
勢既遠而源流不深故未能有嘉驗也苟浚之使深則斯邑
也文富貴達當世不絕余得其言因竊自思邑之人貴登
龍樓勳勳砥石者徃古有之矣過此已數百年而徃其顯者
寂寥無聞豈非直西之水當時源深而流長者其應如彼後
來湮沒而蕪廢者其應亦如此耶是或可信也後之君子銳

於作為以遠久遠之效者皆後其源而疏其流則余未老尚

於作為以速久遠之效者皆後其源而疏其流則余未老尚
及見其瑞應也元祐三年五月望日武都章瑋譔

重建塔記

張九成

壽聖禪師惟尚道眼明徹戒辭潔清傳法於普照英公得記
於黃龍新公既謝事乃歸老童兜塔之西環堵蕭然而聲四
海其叩門求法者蓋肩相摩而袂相屬也余寓居鹽官遇風
日清羨芒鞋竹杖徑尋師於茂林修竹之間一日余指塔問
其故師出邑人章瑋石刻且曰舊塔廢為道士居者凡二十
年紹興丁巳主塔僧仲淵之孫德諶痛數百年勝槩一旦為
有力者所奪影滅跡絕了不可尋向乃草衣木食錙儲黍積
卜地其東堊瓦架屋於莽蒼榛棘中今蘭若寧堵崢嶸突兀

鼎鼎一新既而余被召貳玉牒繼擢亞春官侍講金華未暇
如師請後余以病乞歸聖天子聞其勤勤以奉祠寵之居間曰
讀方書理藥物亦未暇如師請也余病今少向師來請益勤
余乃呼謀而告之曰堯舜禹湯文武周孔之道具在人心覺
則為聖賢則為愚不肖聖人懼其惑也乃著之六經使以
義理求乃銘之九鼎使以法象求簠簋俎豆火龍黼黻以發
之鐘鼓箎磬琴瑟等笙以警之清廟明堂靈臺辟雍以形之
使人目受耳聽心竦意明恍然霧披豁然冰泮乃知予聖雖
徃此心元不去萬變雖經此心自有餘不然吾聖人豈虛為
此紛々哉子之辛苦經營倘有在於斯乎否則吾不知也謀
謝而退乃書以遺之使刻諸石

童兒塔胡奎詩

鼎鼎一新既而余被召貳玉牒繼擢亞春官侍講金華未暇
如師請後余以病乞歸聖天子聞其勤勤以奉祠寵之居間曰
讀方書理藥物亦未暇如師請也余病今少間師來請益勤
余乃呼謀而告之曰堯舜禹湯文武周孔之道具在人心覺
則為聖賢則為愚不自聖人亦聖人其惑也乃著之六經使以

圖
血簋俎豆火龍黼黻以發

江明堂靈臺辟雍以形之

使人目受耳聽心竦意明恍然霧披豁然冰泮乃知于聖雖
往此心元不去萬變雖經此心自有餘不然吾聖人豈虛為
此紛々哉子之辛苦經營倘有在於斯手否則吾不知也謀
謝而退乃書以遺之使刻諸石

胡奎

聞昔有童兒聚沙為宰堵巨蛇盤其根夜見靈光吐自從桑
海變奄忽沉波濤神龍以呵護下壓黃金鰲若人平原孫登
亭紀靈蹟金鐸渺天風迨莫天碧

智標塔縣東北六十里審山上嘉靖中相輪僧院焚廢萬曆壬

子秋蜀僧募修塔輪僧院登眺最暢

塔院古井記

談于庭

審山浮圖初於宋僧智標已廢教十年萬曆壬子秋蜀僧瑞
林來游靈坐三晝夜市人異而趨之覆苦結莽於浮屠之業
隅卜基之日拓土得甌城依甌物故不爽尺寸檀施益集像
設僧寮漸飾其概諷唸之聲與天風逐響第積磔紫蹟無可

古蹟

謀汲日作漢陰丈人抱甕於里外又閉汲焉緇素苦之俄新
安僧周視土脉指其東南曰此任鑿於是披沙畚石見古井
甕甃盡其澄汰涌泉甘冽昔之塵渴今而醍醐昔之翳阻今
而沆瀣相與數焉為勝緣蓋事若微末而頽址荒蹟之餘故
老莫向往牒失攷偶憑一時之臆頓開還舊觀豈非大雄之
慈渡默牖牖而冥潤之哉余老矣感滄桑之故曠若發蒙俟
山僧淪茗膏身操百尺緘以味於腴雲心雪之間矣

黃岡書院即元賈氏義塾至正間改書院

黃岡書院山長唐肅至正壬寅見蘓伯衡集肅字敬處山陰
人鄉舉授山長遷嘉興學正文章號大家行尤修飾明初拜

翰林編修

賈氏義塾詩序

劉基

人有積貸財而不能散者君子謂之愚知散之而不要之諸
道其為愚一也故有捐資產以廣異端而徼非望之福者非
徒無益且受難而甘心焉凡若此者蓋不可一二數若海昌
賈希賢者非卓然有異於人乎賈氏為海昌大家而希賢益
厚念邑之子弟多不知學或貧而不能自致師以學乃構宇
買田招名師儒以為師俾鄉里之俊秀與閭巷之童兒莫不
來學其食飲器用咸取給於賈氏嗚呼可謂積而散之而得
其道者矣今天下學校責在守令徃之不暇顧而視為具文
至考備不能備六事而阻其仕進者不少則今之官海寧者
一何幸耶得賈氏以為其民州之子弟得賈氏而皆振起於

學彼為守令者從而收其功則不惟有功於其州之民而為
之司牧者亦有賴焉其為利豈不溥哉使人一效之而不見
三代之化吾不信也

館

葛仙翁六灶縣東北十六里今不存其地名六灶村

箭石縣西四十里徐王土穀神祠有石出土二尺方廣二丈世

傳錢王箭

圖

白洋池縣西北二十五里周五十五丈

干寶故居菩提山側

褚無量故居臨平湖側

浙

顧况讀書臺審山下顧况詩野人自愛山中宿况是葛洪丹井
西亭前有个長松樹夜半子規來上啼

學彼為守令者從而收其功則不惟有功於其州之民而為
之司牧者亦有賴焉其為利豈不博哉使人一效之而不見
三代之化吾不信也

葛仙翁六灶縣東北十六里今不存其地名六灶村

山土二尺方廣二丈世

顧况讀書亭詩

許相卿

圖

五里唐五十五丈

干寶故居菩提山側

褚無量故居臨平湖側

浙

顧况讀書臺審山下顧况詩野人自愛山中宿况是葛洪丹井

西亭前有个長松樹夜半子規來上啼

長歌曉過讀書臺
烟樹屏山積翠開
會識逋翁世外意
莓苔鳥篆日徘徊

董 隱

館

許相卿

路轉松篁石壁開
千峰雲影護書臺
清風瑞合衙門老
却歛從君問草萊

張無垢讀書臺菩提山側

圖

般若臺即黃灣真如寺最上層
無垢先生與邑宰刁靡文叔來
游因名之臺上有郭熙西山水寺有井曰靈泉而集中謂南路
烏龍井非也

許杞山先生讀書臺靈泉御黃山之巔

古蹟

馬自燕石井縣西北十二里世傳馬自燕嘗入井中

石井記

徐寬

余閱仙史見吾鄉馬公自燕傳記_宮變幻百出奇跡不一計其威
名當不亞於唐季之呂公洞賓國朝之張公三丰也今其故宅
莽為荒墟惟遺井尚在邑梁君喆捐資_登井構亭刻木肖像
復立石以鐫公之傳俾登亭者知為真境而肅燕起敬焉昔
屈子著遠游篇初欲神游八極而終眷戀於楚吾聞神仙無
日不在人間安知馬公之過不悲其故宅之廢而後日之來
不喜其故宅之新也耶時弘治四年

張昱

故老相傳語不虛至今石井有仙跡踪行人莫向井邊睡一

勺水中藏卧龍

義井世傳阮店村章仁蘊所鑿如仁賢坊獲廟安巷安國寺巷
皆是仁賢坊井石欄上刻當邑章仁蘊開此義井第十四口元
豐壬戌歲記

故廟銀杏樹洛塘北大四人圍相傳唐許遠讀書時物樹根鍋
可治牙痛

邱墓

吳三女堆長安鎮覺王寺後相傳孫權第三女按陳壽吳志權
妻步夫人生二女長曰魯班字大虎配周瑜子循後配全琮丞
相孫峻姦亂宮人與公主魯班私通後謀殺孫琳遷豫章前嘉
靖志載全琮赤兔嶺事則三女堆即琮妻無疑第魯班居長所

邱墓

云第三或琮之第三娶也墓高三丈周二畝嘗有怪今佛殿雄
據其半萬曆己丑飢盜發之不甚得

三女堆

館

吳本泰

梵宮鷗尾棟層霄荒塚纍、草色驕幾朵白雲松下起老僧
跌坐話前朝 春遊歌馬弔香魂綠酒頻澆青草根酩酊放
歌人去後鶴歸松頂又黃昏

圖

唐許遠墓縣東北五十里楊園村二子玫瑰葬天竺莊鷄籠墩
諸生許南金以太守後裔有雋望余嘗向其先墓何若曰太守
墓高廣廢久 氏盜葬其上故失祭噫式商表墓良有司當過
而問之
馬自飛墓縣西九里

縣二十八都扇面橋云顏真御墓楊慶湖二公合墓訛魯公非
宋侍郎張九成墓縣西五里有石刻手書數紙

乾道三年敷文閣直學士右大中大夫新知荆南寧軍府提
舉學士兼管内勸農使馬步軍都總管兼本路營田使桐廬
縣開國子食邑五百戶方滋祭文嗚呼海內知己如公幾人
梁頽山壞晚塗安仰日月遠矣馨容隱然永懷平生方寸屢
折造官荆渚寄徑近郊王事有程汎掃無路姑馳一介致祭敬
九原尚其有靈歆此薄祭

侍郎章之光墓縣東北五十里

元尚書貢師泰墓縣東北四十里湖塘村門人朱鑑捐田四十

畝瞻祭

宦海由來風浪惡月明何處駐仙槎
人間洞府桃源小夢裡
闌河梓里賒碑碣空題元禮部墓田
猶寄魯朱家殘香下馬
尋遺跡千古文章野草花

書

潘良

王琥

大元禮部中華士古墓殘陽草樹陰
出處一時誠自略綱常
千古竟誰任衣冠天地分華夏風景
江山自古今王氣東南
排日月桃源始卜避秦心

浙

談遷

殘碣嶙峋墨未湮
寒雲哀草欲連天
輕舟尚識漁郎路
古柏依旌丞相前
杜甫沅溪愁易結
田橫海島恨難捐
知君華表

歸何處江北江南總可憐

歸何處江北江南總可憐

祭酒榮肇墓縣東北五十里俗呼榮歪頭墓

榮祭酒贊

宋 濂

先朝之老臣當世之巨儒橋門清貴左圖右書元君寵顧後
擁前驅連城之壁照乘之珠修髯大顙此誠魁梧哉冠博帶
可肅薄夫噫孟軻氏有云得天下英才而教育之舍公其誰手

明紀善何得舉墓縣西十二里

少卿沈升賜墓橫塘

吳烈女墓靈泉鄉

都御史查約墓表花塘北嘉靖九年諭葬都御史錢宏謨神道

侍郎祝以祖墓表花塘北崇禎諭葬

邱墓

麒

知府許令典墓

參政祝萃墓妙果山古杉茂柏幽紆舊燕每產竹斜文曰龍竹

其年必登榜復產則並雋驗之無爽

詩人蘊正墓縣東北六十里木塲橋左門人張寧撰碑

太子太保南京吏部尚書秀水徐石麟墓在妙果山東北麓

王 翊

盡瘁初忘嘔血勞孤表如霧集城壕心灰亡國生新黍淚落

孤臣濕舊袍劍佩晨趨先御道星辰夜履玄天曹夜應知此

後魂游地彷彿身依玉陛高

叢塚碑宋紹興甲寅攜李魯公頭宰海昌之二年作三叢塚其

二在硤石長安慶元元年十月從事郎新差監建寧府大挺塲

灌壟官縣上管催前壟塲葉正年

權鹽官縣上管催煎鹽場葉延年謬

佚事

晉干寶父瑩先有寵婢母甚妬忌及父^亡母乃生推婢於墓中
寶兄弟年少不之審也後十餘年母喪開墓而婢伏棺如生載
還經日乃蘊言其其父嘗取飲食與之家中吉凶考校悉驗地
中亦不覺為惡嫁之生子寶以此譌搜神記三十卷

干寶之兄慶無疾而終有術士吳猛語慶之子曰候奠未盡我
為請命未可殯殮尸卧靜舍惟心下稍煖居七日猛凌晨至以
水激之日中許慶蘊焉旋逐張目開口尚未發聲闔門皆悲喜
猛又令以水含洒乃起吐血數升兼能言語三日平復初見十
數人未執縛桎梏到獄同輩十餘人以次旋對次未至俄見吳

佚事

君北面陳釋王遂勅脫械令歸所過官府皆見迎接吳君與之
抗禮即不知悉何神也 太平廣記

米芾書顏魯公碑陰 公之使賊也謂使者曰吾昔江南遇道
士陶八、得刀圭碧霞餌之自此不衰嘗云七十後有大厄當
會我於羅浮山此行幾是後公死於賊歸葬偃師北山有賈人
至羅浮山觀道士奕託書至偃師北山顏家及往訪之則塋也
守塚蒼頭識公書大驚卜曰開壙棺已空矣元祐二年九月余
游吳興適觀邦人新公之祠因得謁拜公像嘗閱洛中記異載
公前事刻於陰碑以貽續仙者云 浙

南陽晁補之曰顏公以耆老忠義縊於賊手世言公尸解不死
開棺肌肉如生爪透手背刑和璞間而嘆曰此所謂形仙後五

百年雖藏金石之中猶當劈裂飛去

顏真卿刻姓名於石或置之高山之上或沉之大淵之底而云
安知不有陵谷之變耶傳記

官

顏魯公頃為湖州牧州產碑材公載石還次江州較奔竊引直
至江心則茂林峭石勢環氣騰有神祠曰祖將軍廟公異之遂
捐金建亭名曰祖亭制文勒碑以記其事唐歐陽詹集

天寶中有范氏尼知人休咎顏魯公妻黨之親也魯公尉於醴
泉詣范尼問命曰某官階盡得五品否范笑曰隣於一品顏郎
所望何其卑耶指坐上紫絲布食單曰顏郎衫色如此其功業
明節稱是壽過七十已後不要苦問魯公再三窮詰范曰顏聰
明過人問事不必到底及魯公為太師使於蔡州乃嘆曰如范

佚事

師姨之言吾命懸於賊心矣 戎幕閒談

顏真卿為盧杞所陷令單車向罪李希烈德宗遣佗裝東邁內
外知公不還矣親族相餞於長樂坡公醉擲前楹謂諸姻族曰

吾曾典郡於江南曾遇道士陶八書授刀圭碧霞丹令服之自

體健至今不衰又土曰七十上有厄如有即告他日待我於羅

浮山得非今日之厄乎公至汎水忽逢陶笑謂曰公吉吉遂指

嵩少而去魯公至汴州希烈僭號使人縊死之瘞於城南及希

烈敗詔得歸葬姬師北山後有商人至羅浮山忽見西道人樹

下圍棋一道士謂商人曰子何人對曰洛陽人道人笑曰幸寄

一書達吾家也遣童子取紙筆立札一封題寄偃師北山顏家

商人至偃師詢所居即塋庄也守塚蒼頭得書大驚曰先大師

觀翰也因以藏於室子孫孫孫吉曰魯塚開棺即已空矣子孫孫

師姨之言吾命懸於賊心矣 戎幕間談

顏真卿為盧杞所陷令單車向罪李希烈德宗遣佞裝東邁內
外知公不還矣親族相餞於長樂坡公醉擲前楹謂諸姻族曰
吾曾典郡於江南曾遇道士陶八書授刀圭碧霞丹令服之自

歸英家人啟極見狀貌如生徧身金色爪甲出於背鬣髮長

數尺歸英

嵩少而去魯公至許州希烈僭號使人縊死之瘞於城下及奔
烈敗詔得歸葬姬師北山後有商人至羅浮山忽見西道人樹
下圍棋一道士謂商人曰子何人對曰洛陽人道人笑曰幸寄
一書達吾家也遣童子取紙筆立札一封題寄偃師北山顏家
商人至偃師詢所居即塋庄也守塚蒼頭得書大驚曰先大師

親翰也固以藏於室子孫遂吉曰魯塚開棺即已空矣子孫歷

親翰也。因以藏於室。子孫選吉日發塚開棺，即已空矣。子孫徑往羅浮山求之，竟無蹤跡。又曰：太師書法，奮頭馬尾之勢，是真得仙也。紀異錄

館

顏真卿將往蔡州，謂其子曰：吾與元載俱服上藥，彼為酒色所敗，故不及吾。此去必為逆賊所害，爾後可迎吾喪於華陰，開棺時之必異於眾。及開棺，果覩其異。其後十餘年，顏氏之家自雍遣家僕往鄭州徵庄租，回及洛京，此僕偶到同德氏詩見公衣白衫，張蓋徑歸城隅，菜園有破屋，數間僕隨之入拜。公懷中出白金十兩以寄其家，仍戒僕勿與人說。公之子函至前處，但見滿目榛蕪而已。時人皆云：魯公尸解得道。王仁裕玉堂閒話

顏真卿之返葬也，狀貌如生。瓜甲出手背，鬚髮皆長。數尺說者

佚事

以為真卿嘗遇真人授以碧霞丹餌之故有此異非也昔軫龐
德之死狀皆如生又晉卞壺墓之見發也鬢髮蒼白面如生兩
手悉拳爪甲穿達手背此亦豈嘗餌碧霞丹乎大都忠義之士
精神氣魄方將與天地不朽區區鬢髮爪甲之不隨死敝不足
奇也

顏真卿葬曲阜與景鄉同域

太平清話

顏太師以書自娛平生意好惟此不替晚年嘗載石以行齧而
藏之遇事以書隨所在留其所鐫石廣川書跋

真卿書鋒絕劍擁驚飛逸勢

呂總續書評

宋紹興辛巳冬金人南侵朝廷遣大軍東屯以遏其衝主將每
遣小校四出探望有何蕪資者領衆至六合西望忽見一軍自

西北來其行甚速號令下衆蕪資與所部急遽救中領史傳令

西北來其行甚速號令下寨兼資與所部隱蘆荻中頃吏傳令
曰荻中林有人否一人曰彼乃生人與吾無闕兼資知其鬼兵
也乃詣寨門請見曰某宋劉太尉下踏白軍也頃吏召入中一
人廟坐冠服如天神又四神分坐左右兼資拜向神兵何事西
向者曰吾奉天符來助汝太尉也兼資拜請位號西向者曰此
天蓬神司主事也我四人張巡許遠雷萬春南霽雲也兼資曰
唐書言大王守城凡食三萬餘人果否巡曰有之而實不然所
食皆已死者非生人也兼資曰史言張大王殺愛妾許大王殺
愛奴以享士然否巡以曰非殺也妾見孤城危迫逼効死自刎
許奴亦以憂悸暴死因烹以享士蓋堅士卒心耳兼資頷雷萬
春面上一癩向曰史言將軍面土着六箭面止一癩何也雷曰

佚事

當時實着六箭而五着兜鍪胡傳吾面着六箭吾亦當之庶揚
名以威胡耳頃史命酒惟天神者不食良久巡謂蕙資曰歸語
汝主將吾奉天符助兵此胡悖逆當取其首以報上帝語訖命
引蕙資出及至舊所無復人矣不半月有皂林之捷未幾逆亮
有龜山之禍皆如其言 撫青雜記

許遠有祭蠡文為時所重所謂太乙先鋒蚩尤後殿蒼龍持弓
白虎捧箭又祭城隍文中云皆并鳩翔老嫫龍攢皆文武雄健
志氣不衰真忠烈之士也 趙德麟侯鯖錄

焦中山千一丞事世居鹽官州西隅雍熙四年三月夜夢一將
軍威勇絕倫自稱許遠旦起即塑其像於家奉祀歷四十五年
至天聖九年遂舍地立祠思張巡同時報國並塑其像時可回

曰中山邑之一義士為立功於本巷號忠義坊其里即名仁義里孫焦貴字天爵中浙試甲子解元

頌况有子數歲而卒况悲傷不已為詩哭之老人哭愛女子曰暮年行血心逐斷猿驚迹隨飛鳥滅老人年七十不作多時別後生子非熊即前子也年七歲其兄戲批之忽曰我是前兄何故批我一家驚異方叙前生歷事不悞西陽雜俎

頌非熊一覽成誦好辯說氣融凌輒為眾所抑久不第熊名在朝野長慶中諫議大夫陳商放榜復下第穆宗怪無非熊名詔有司進所試卷覽之稱旨追榜勅賜及第時劇得仁詩賀曰愚為童稚時已解念君詩及得高科晚須逢聖主知非熊累佐使府大中間歷盱眙尉慕父夙棄官亦隱茅山

佚事

宋熙寧八年蘇軾知徐州有杭州府鹽官縣安國寺相識僧居
則請軾作大慈閣記意謂舊日科場以賦取人賦題所出多漢
涉天文地理禮樂律曆故學者不敢不留意於此等事今來科
場以經義取人故學者只務空言高論而無實學以譏諷朝廷
改更科場法度不便也軾在臺九月三日准向日供具因依不
繫降到冊子內

烏臺詩案

圖

政和癸巳海岸崩毀百有餘里朝廷遣道士禳之毀益不支至
紹興癸丑有錢塘楊村法輪寺僧慈元誓捐身以救大眾行視
海毀甚處至於蜀山六月五也海勢大作僧褰衣而前衆爭挽
之且請偈言僧高聲曰我舍世間如夢衆人須我作頌頌即語
言邊事了取自家真夢又曰世間人心易了只為人多不曉了

印波在目前未了千般學道頭畢投於海衆謂美魚腹矣移時

即皎在目前未了千般學道頌畢投於海衆謂葬魚腹矣移時
風止僧端坐海面順流抵岸則衣未嘗濡也蓋教大魚昂首戴
之耳自此海惠頓息沙漲如故蜀山之民即其地立菴居之紹
興乙卯四月忽集衆偈曰會得祖師真妙訣無得無佛又無說
唱散烏雲千萬里一點靈心明皎潔安坐而遊

春渚紀聞

劉一止較兩浙試欲得通時務者同列惠無人一止出卷示曰
是宜為首啟號乃張九成衆皆厭服

張子韶手執一扇過教夏破即補之一皮履汗敝缺裂亦不易
頭上烏巾以䟽布為之漬以墨汁夏月汗出或致墨汁流面亦
不向筆用秃筆紙用故紙以至衣服飲食皆不揀擇或向子韶
此是性耶抑愛惜不肯妄用耶子韶曰汝且道我用心每日在

佚事

甚處若一、自頭至足理會此形骸却費許多工夫我不被他使且要我使他世人徃、以我為鄙吝以我為迂僻我見世人後、然為此身所擾自早至夜應付他不暇特可發嘆、或向處事當如何曰速不如思便不如當用意不如平心又向當官臨事如何曰切戒躁急則先自處不暇何暇治事加以猾吏奸民窺伺楪便以乘其利非特害人於己甚害

張子韶對策有桂子飄香之語趙明誠妻李氏嘲之曰露花倒影柳三變桂子飄香張九成老學菴筆記

張無垢有雜鄭如我魏春秋書今集不存也後復書見

兩山墨淡

張無垢在越上作幕官不請供給錢在館中進書不肯轉官人皆以為好名之過無垢曰既請月俸又受供給偶然進書又便

受賞於我心實有不安此亦本分事何名之好

元人香囊傳奇乃吾寧張九成故事也先生未嘗使金誕妄可笑獨云其弟九思則果有弟子見集中

張子韶侍郎謫居大庾得目疾後為永嘉守中風辭祿還鹽官
紹興二十九年三月望夜夢人引至一寺室中見懸已像駭曰
何以得此人曰公異日當主此地待後公見玉滂了即來遂寤
名門人郎擘書其事皆語玉滂吉証疾愈且大拜至六月三日
疾頓除即日拜謁先墓既往所親家燕集居五日與諸生讀江
少虞所集事實類至章東封丁晉公取玉滂事怒曰丁謂真奸
邪雖人主物亦以術取因不懌廢卷而入疾復作不能言朔日
卒人始悟玉滂之夢云

佚事

張無垢與黃元功善一日元過功之啗不吐一詞若有不相識說
者無垢避席前曰先生無言而若有憂色何也元功曰吾何憂
哉聞子一事為子汝憂耳無垢驚起曰何事元功曰某文字公
豈當作耶無垢曰實否元功曰如是則吾心無憂矣遂大笑
而別

張無垢甥于恕裒集語錄十二卷既已刊行其間論語絕句讀
者疑焉蓋公自有語解亦可假此發明與義嘗叩公門人郎曄

曄云非公之文也語錄亦有附會者周輝清波雜志

郭知運以少俊秦檜選為孫婿秦每夕必留三杯郭多出入至
中夜或留宿留門以俟秦嘗以佩刀分遺子婿一日宴集皆佩
之而郭已遺人矣秦大怒遂會其夜出令門者無納遂罷親雲

麓漫抄

秦檜之以孫女嫁郭知運自荅聘書曰某人東第華宗南宮妙
選乃肯不卑於作贅何詞可拒於盟言其夫人欲去作贅字曰
大惡模樣秦公曰尤如此乃束縛得定聞者笑之

陸游老學菴
筆記

汪聖錫應辰玉山縣弓手子喻樗子才為尉嘗授諸子學有兵
在側言汪兒頗知讀書可使侍筆視乎視之狀貌偉然不類常
兒向能偶對否曰能馬蹄踏破青、草應聲曰龍爪拏開白、
雲喻大驚曰他日必為偉器留授之學且許妻以女後從張橫
浦游學益進年十八大魁天下

浙

鹽官上管場亭戶鄔守興紹興十八年夏旱田苗皆稿隣人相
率訴於縣官以免稅守興曰吾聞旱乾而投訴即是訴天且吾

佚事

家二稅並是折鹽何用許為乃獨不預名明年夏復大旱一鄉
盡成枯槁惟守興田時之雨歲獨稔收倍常年睽車志

鹽官馬大夫中行妻悍妬一婢免乳即沉其子雜糠穀為粥乘
熟食婢竟以血瘕而殂乃取死子同坎瘞之後數年妻為厲所
所憑自言坐血池中受無量苦上訴於天今當借諸陰府其家
禱之且許以誦經飯僧皆不從且云主母今亦教盡故我得近
又云馬在世僅有三年之壽妻竟死傳此事時馬尚存睽車志

永嘉木尚書待問少從學於鄭毅文毅文大儒也名伯熊字景
望其弟名伯英字景元負氣尚義之士也登甲科為第四名以
母老不肯仕宦景元亦不屑求用晚自號歸愚翁毅文死後木
尚書造宅侵鄭氏地界景元不平與木詈詬而手擊之景元亦

大為木之子弟所箠明日木訴之郡逮景元時景元待次教官
扶其母以書木慚竦退縮而止木素無望止以大魁為從官爾
因此事永嘉人薄之 林下偶談

鹽官縣學教諭黃謙之永嘉人甲午歲題桃符云宜入新年怎
生呵百事大吉那般者為大吉人告之官遂罷去 癸丑雜志

紹興二十九年閏六月雷震前教日上管場亭戶顧謙德妻張
氏夢有宿生事責之曰明當死雷斧下覺而大恐流淚悲噎姑
問之不^以寔對姑怒曰以我嘗貸汝物未償故耶至是張始
言之日暴風起天陡暗張知必死固念震死既不免姑老矣奈
驚怖何乃易服出屋外桑下立以俟俄雷電晦冥空中有人呼
張氏曰汝實當死以遠一念起孝赦汝又曰汝歸益為善以此

佚事

語世人也 癸辛雜識

元明宗天曆元年十二月加謚唐司徒顏真卿正烈文忠公令
有司歲時致祭

海昌人家有古琴一張音韻清越相傳是單丙文遺姜堯章背
有銘曰深山長谷雲入我屋單伯解衣作葛天民之曲懷我白

石東望黃鵠

研北雜志

圖

張伯雨嘗從其師王壽行入京時燕地未有梅花惟吳閫、宗
師自江南移植護以穹廬扁曰漱芳伯雨造其所恍遇西湖故
人徘徊既久不覺熟寢其中壽行竟日不見憂其迷路伯雨覺
而已晡間、笑曰伯雨素有詩名宜有作遂賦長詩風沙不憚
五千里翻身跳入仙人壺之句間、大喜送之翰林集賢袁伯

張伯雨生蜀曼頰者公之由是名大起一時蒲城楊仲弘清

長虞伯生揭曼碩諸公和之由是名大起一時浦城楊仲弘清
江范德棧金華黃晉卿吳興趙仲穆交甚善他日謁伯生問能
作符篆否荅曰未能伯生連書七十二家示之拜曰真吾師也
自後與伯生手札執弟子禮其服善類如此 輟耕錄

張伯雨記其先人似之所藏書畫云湯普徹絹本摹蘭亭唐臨

王右軍三貼張長史春草貼王齊翰仙山圖徽宗画上清揚真

人像常粲佛因地圖 此卷今在元顧處 范寬三幅雪山二幅僧巨然夏

山雨過許道寧溪山待渡茅圖李慚三馬圖李伯時于闐師子

三馬圖黃筌梔子孔雀芙蓉鷺鷥三圖趙昌寫生月季黃居宬

竹雀唐希雅棘雀趙大年聚沙宿雁圖其他妙品尚多也伯雨

又嘗購得孟子毋御史所藏僧智永月儀獻歲帖 神品上上 其詞云

佚事

獻歲將終青陽應節和風動物麗景光輝翠柳舒鱗紅桃結綬
想弟悠優勝地縱賞佳賓酌桂醕以中心玩琴書而寫志無令
披聚叙會何董遣一介希還教字行間細書釋文特妙前後有
明昌七印泥金題籤今在梁溪倪元鎮家黃長睿以為何璧何
書者即此帖也

張伯雨有金銅舍利匣上刻曰維梁貞明二年歲次丙子八月
癸未朔二十日壬寅隨使都教練使右廂馬步都虞侯親軍左
衛營都知兵馬使檢校尚書右僕射守崖州刺史御史大夫上
柱國謝崇勳捨靈壽禪院蓋有四竅出烟有環若含鎖者或疑
燒香器李商隱詩云金蟾啣鎖燒香入又云鎖香金屬戊是則
燒香為驗其為燒香器之有鎖者

張伯雨少學琴一琴名風林嘗從趙子昂論琴以為琴之五

張伯雨少學琴畜一琴名風林嘗從趙子昂論琴以為琴之五
音各有改絃其法不傳世之所謂琴者皆不審五音之主徒呶
呶耳殆不若秦箏之按宮徵也趙有琴曰松雪但時出橫床未
嘗撫弄故伯雨亦終身不復鼓琴

研北雜志

至正十六年五月聲言張兵南下楊叅政完者以教萬衆屯嘉
興軍容甚盛張兵遂直擣武林達丞相戰敗楊即分兵使蔣英
從大麻塘棲董旺從硤石長安身率劉震朱鉞從海鹽黃灣而
進逐連敗之於舉亭謝村張軍遁還

徐一夔曰至正中余避亂海寧之東有姓許者嘗闢巨室得古
墓一內有誌碑蓋錢氏將許俊墓也俊年十八從軍以驍勇有
戰功累官至節度使都押牙兼御史中丞寶正三年卒葬於此

佚事

應之紹錢塘人以鄉貢下第任嘉興學正丁父憂仍寓居授徒
至正壬辰避難於其諸生李氏子家去城數十里曰奉賢鄉李
之從祖號太無道士住持紫虛觀之紹一見若平生歆八月廿
九日太無得中風疾之紹餽藥療之獲蘇日一再詣問之九月
四日又自紫虛觀還寓忽得疾一中而殂其妻楊氏太史同僉
孺之女就所館治喪且以訃其母若弟於海寧及嘉興城中紫
虛之徒以其疾與太無同不以告是夜將半太無忽呼弟子卓
處潛輩謂曰邊得夢甚怪俾取紙筆書之云於本觀所奉岳祠
之前見有某姓名吏及卒二人押男女各一併持公而來因讀
某詞曰嘉興路城隍司准海寧州城隍司牒為陸小蓮告至正
八年溺水事冤屈未伸今發陳善時應偉前去勒要才同解岳

祠周府君取問太無詢來使之詳答曰陸小蓮者嘉興百福坊人而應才之婢也為其妻妬逐之遂赴水死陳善時者才之姊也時居海寧偉字之奇才之弟也居嘉興城東謂彼時不為救護故連逮耳太無見陳氏帶鎖衣白衣黃裙問之年六十有四應偉荷校衣青衣緣其罪上歷可記來使云今若貴司移牒溫都統為之解釋則尚可也遂覺始知之紹已逝王昌言與之紹有交承之好同寓嘉所明旦來紫虛太無因問應母之年及之奇之貌皆如所夢乃以告之昌言馳告楊氏楊即詣紫虛拜懇大無於床下謂夢中事皆實有之復自訢其詳且言其夫胸間尚溫手足猶軟故求移文解釋仍躬岳祠奠之紹之復生也是日午後之奇自城東來衣青衣云昨日亦得疾與同所見如

太無夢。今雖少甦。猶憤。莫之所以。然楊氏以憂懼亦疾作。旋
即無他。而之紹氣已絕矣。時建德即清溪。偶宿紫虛。目擊其事。
朔日遂行。不知往計。陳氏歸報何如。及之奇之。生死耳。輟耕錄
崇德談經。貝瓊同席。業文。洪武八年秋。圍戰北。偕返。放舟西湖。
經作詩。扶策龍門。數載游於今。始悔。覓封侯年華。流盡。惟湖水
自古英雄。幾到頭。袖刺無投。世路艱。功名塵裡。老人顏。岳墳故
試與孤山。傲杖劍。何如放鶴。閒貝疑其句。悲愴。偶而談歿。後貝
游硤石。紫微山麓。雨後。聞呵殿聲。以為官長也。避之道左。及視
專車者。乃談生。即下輿。叱去節。徒携貝。手步至葛洪井邊。坐
而道故。且曰。自咏後。上帝嘉吾心行。為督巡都統使君。秩上城
隍一級。一州善惡。皆屬廉訪。語訖。節從復至。已忽不見。

永樂甲申沈升孫子良俞禮曹景暉產昌皆入制科上不時行
幸院一日卒至諸人各倉惶上驟向墓前石人誰何景暉悞對
仲翁後倅蘓州時詩以誚之翁仲如何喚仲翁祇因窓下欠夫
工此人難住林翰院只好蘇州作判通

山東叅政海寧孫子良與同年西昌楊相交游極厚相為主事

坐谷府累卒子良懼不敢徃吊由是為東里楊公所薄子良累

膺薦舉輒不果雖未不由楊公而士論固云然

水東日記

祝虛齋先生萃平居皆有師錄善者書名不善者惟舉事示戒

官工部時有以金壘松先生者先生固却之後受賄者坐累先

生竟免先生之鄉莫氏嘗以屋售先生固止之且周其乏嘗云

我能顧恤隣人即我之家人也何必其地然後為我有

錢琦測語

佚事

祝主事家有牧羊兒年十餘素善飯一日牽羊歸就午食庖婦
故不與以戲之牧兒去泣於田間一道士過見之問曰汝何哭
告以無飯道士出懷中黑丸如龍眼大投之曰食此自當得飽
勿嚼碎兒吞之覺腹中充然道人戒之曰無語人也遂去兒暮
歸不食明日亦不飢絕穀者五六日庖婦疑其盜來自食也
白於主人主人召兒將鞭之兒畏而吐實主人異之明日使他
兒與俱曰若復遇道士一人力挽其衣一人歸報二兒到向地
則道士又至矣語兒曰為^何瀟言謝曰畏主責耳道士以一手支
其頷一手擊頂向前黑丸自喉躍出復藏於懷兒極力挽留問
此何物曰汝知有所謂交梨火棗者乎此火棗也久之主人聞
報而至將去數百步道士復足遽陷入土中稍近益下僅露其

首既而前亦不見土上都無竅穴驚顧道士已在隔岸拱手而
滅自是收兒復食吾鄉戴區人藉盤時為祝壑師親見其事 陸
繁庚已編

館

海寧百姓王屠與其子出行遇漁父持巨龜徑可尺餘買歸繫
柱下將羹之鄰居有江右商人見之告其即翁以千錢贖之翁
怪其厚商曰此九尾龜神物也欲買放去君從吏成此功德一
半是君領取因偕往驗之商踏龜背其尾之兩傍露出小尾各
四便持錢乞王、不肯遂烹之作羹父子共啖是夕大水自海
中來平地高三尺許床榻盡浮十餘刻始退明及午翁怪王屠
父子不起壞戶入視之但見衣衾在床父子都不知道去向人咸
云害龜為水府攝去吳人仇寧客彼中親見其事 陸繁庚已編

佚事

正德甲戌硃石沈祐於紫微山中土得異石無數如斧鉞者圭

璧者方者圓短而長者厚僅二三分周圍口尤廉薄各有圓竅

竅皆倒標黃白黑綠各不同光潔工巧人為有所不如見者皆

以為霹靂砧而藏之嘉靖丁巳黃灣馬氏開山作壙亦於土中

得如前者十六枚其形極相似白者光可鑑豈即器車之類乎

按禮運山出器車碧里蘇存硃石人積梅兩水以二蚕鹽綠絲織細有自煎碧色名曰松陰

色享上價此法本寧宗宮禁有為之者一時號為天水碧天水

本趙家郡望碧者畢也畢未幾果有航海之應紫樞軒雜綴

宣德五年三月吏部奏主簿周顯差浙江至海寧獲強盜二十

餘人例當陞賞前無民官獲盜之例上曰給榜空賞格正欲

捕盜榜以諭衆令以示信豈向軍民官耶其陞賞如例

正德甲戌硃石沈祐於紫薇山中土得異石無數如斧鉞者圭
璧者方者圓短而長者厚僅二三分周圍口尤廉薄各有圓竅
竅皆倒標黃白黑綠各不同光潔工巧人為有所不如見者皆
以為霹靂砧而藏之嘉靖丁巳黃灣馬氏開山作壙亦於土中
得如前者十六枚其形極相似白者光可鑑豈即器車之類乎
豈即器車之類乎按禮運山
出器車碧里雜存

祭有為之者一時號為天水碧天水
紫樞軒雜綴

本趙家郡望碧者畢也未幾果有航海之應
宣德五年三月吏部奏主簿周顯差浙江至海寧獲強盜二十
餘人例當陞賞前無民官獲盜之例上曰給榜空賞格正欲
捕盜榜以諭衆令以示信豈向軍民官耶其陞賞如例

朱靜菴其父友某使君者有青衣曰寒梅妻亡欲圖再娶萌南

閣之意青衣過靜菴許靜菴曰吾能止之因題一絕於扇令持視使

君云一夜西風滿地霜粗麻布勝無裳春來若觀桃花面莫

負寒梅舊日香使君感其意終身不言再娶陸延枝說聽

宋南渡後邑趙氏科甲特盛蓋宗室也今趙家橋其故居云新

橋賈氏卜室發其墓地顯骨甚巨豈所謂種龍獨與常人殊耶

孫璋守潯州時斷藤硤有草名大藥治金創撲損神效徭人珍

之民間希得公歸移一本萎於霜雪公每惜之弘治十年三月

忽生後圃公曰思之二十餘年不圖復見遂名通靈草

嘉靖戊午武進薛方山應旂督學兩浙修浙江通志意廢仙釋

不錄七月二十四日有神降箕曰丹陽道人馬自然煩大夫幸

佚事

無舍我薛曰欲入志乎曰然遂不敢廢

許杞山先生係籍西路鹽場苦總催破產及給舍請告云竄籍

鮑郎場灶遂移家海鹽茶磨山先生下世邑仍徵其額課子據

疏辨邑令日向疏予告非為竄籍也云云歲除邑令致先生燭

百枝吏私其十先生東謝領賜草堂三月不夜矣邑令詰吏輸服

鶴田券閩中孫太初山人寓武林南屏山嘗畜一鶴自隨與杞

許給諫

泉子善許為置田三畝歲輸粟於萬峰深處以充鶴糧而作券

文曰太白山人鶴田在九杞山書院之陽倚山面湖左林右涂

廣徑百步歲計入粟三石有奇以其奇為道里費而歸其成數

於杭之西湖南屏山歎歲則去其半以主人潤筆金取盈焉佃

之者主人之隣李仁輸之者主人之僕歸義董之者主人之弟

檣御舟仲主人誰謂山人之友杞泉子許台仲甫也名鶴曰券
黃灣孫侍御喬徵時里人某沒三日而甦曰岳神募我助建孫
御史坊後侍御果立坊其家近岳廟

嘉靖癸卯沈南泉友儒赴闈題其扉曰料得浙江無敵手魁名
不占不還鄉果秋榜第三同年慈谿袁文榮煇第二沈戲語之
曰吾偶讓兄耳明年表冠南宮登土第沈僅列名表戲之曰今
竟何如

陳少卿與郊隆慶庚午初計偕泊臨清見岍側關侯祠以素敬
入拜乞佑夜夢至一處驚其地有紫衣宮監出曰此天子殿前
天子且至矣頃之間呵殿之聲甚肅屏立以窺忽見殿上旌旗
日月衣裳錦綉羽衛數百人引出一垂髫小兒衣赭黃龍袞正

南面而坐俄有人持衣冠加於陳之身陳面頰已身與省中諸

回

郎並立居近御前遂蒙召對甚稱旨上命前紫衣宮監押出硃
紅箱子十隻各覆黃綉袱內有供奉才官傳旨命陳與郊分賜
大小臣工等叩頭出所舁十箱安置公廨中竊視之每箱大統
曆千本計十箱則萬本也驚而覺不知何等明年辛未下第至
萬曆改元癸酉冬北上上方十一歲果叶垂髫之夢而萬本曆
日年號預定於三年前矣已維舟臨清再入祠乞夢夜又夢入
一廟府署視堂上官人猶未出衙惟兩旁官屬吏典環立左右
竊視案上文書乃甲戌題名錄進士姓名歷、可數而已名不
與焉惶遽以叩典吏答曰君必進士然未也在後丁丑科乃叩
頭祈請曰某有訟獄為怨家所誣若今科不第即青衫不復保

矣藉公之力入白主司與集改注今科終身感德典吏許諾入
有間而出曰今科名藉已定難可改移且待丁丑與翰林官陳
曰某布衣耳擢一榜末進士足矣敢望詞林乎更煩轉賣鈞聽
典吏不得已入白出曰念君如此已改今科但合授翰林假秩
未必真也甲戌春榜果第四人以執政之子不獲雋竟格館試
不行後以給舍拜翰林提督四夷館太常卿方悟前夢錢希言繪園
荆府教授董載灏舟江岫僉事鄭少白舟隙奇其相名向詳悉
見其二子曰次當顯貴即憲副鯤也後教授封御史
張瀚子文歷刑部山西司員外郎同舍郎吳江沈子由金陵陳
羽伯海昌朱汝一執中歸安孫文揆孝豐吳峻伯並喜聲詩公
輿結白雲社朝夕唱和不輟

褚饒州相家

益

初書舍牡丹秋再花時以為瑞亡何子天萬曆丙午

初書舍牡丹秋再花登御榜物理難憑如此

鹽官陳奉常家藏未襄陽真蹟感慨激昂自以世無知己獨不

憶子瞻所評清標絕俗之詩超妙入神之字手益紹聖間時移

事變禁蘊黃之跡未公為諱言知己交能如此何論蔡天啟二

楊小：物色也

董其昌

圖

董玄宰所書法華經七卷在叅議之伸處鐫石

許侍御前造捐館之年入書舍見座上朝冠蛇身倏忽不見坎

地覓之無跡亡何侍御不起

萬曆己卯唐衣間雙橋密氏有虎入後園事聞縣官獲捕不獲

俞年家氏公啟

踰年密氏訟敗

陳太常家奴毆滿指揮未死前一麻衣僧各書一夫字於硃石市門上惟一老嫗沽酒者不書指揮死地方人放火燔燒滅跡因延燒凡夫字皆盡老嫗家獨免

朱孝廉履儀司諭無極元日令君來學宮朱坐處風起吹綬絲揚舞大如斗令君曰此何祥也令君易坐其處則否因卜之曰主財物坎坐處得古錢若干出

長安上野村杜某專貸木器俱盜椽樹為之嘗夜盜時方鋸有白衣人前至驚逸尋死

斜橋有沈女官墓不知何代人相傳武弁也崇德呂希周覓地坎其旁得金槌鎚一隻而止萬曆十年丈田於其址掘七大缶石

覆之諸役方飯一人私啟若有人扼其項因悸死吳令宗熹來
視也但泥半缶耳

萬曆丁未主簿華亭袁之龍以子思明登第肆志貪婪視令郭
一輪蔑如也已酉夏臺使檄免思明任南京禮曹游狹邪免

邑隸杜九宿東門外同役鄧某已物故杜醉而道值之奔避至
家命妻子治饌杜夜與妻子訣昏黑間若隨鄧而去冥不辨路
如行積水中一岫微茫經大城入府第同鄧對簿詞屈乃釋杜
還生及門流眈鉄枷已及鄧頸矣門遇御故張孝廉鴻羽夫婦
敝衣就訊向其故不言陳太常隅陽中憤而前杜揖之問何以
在此曰家朱菴人今日下膏鼎少為營雜費別後路明垣非復如
前良久而甦崇禎五年八月事

崇禎初詔免第三年田稅十分之二至期有司全督如故乙亥
四月詔蠲崇禎五年以前逋租縣令彭慶圖謂第五年當徵征
入入倍苛焉故曰黃紙放白紙催

館

崇禎戊辰七月潮決滄溺亡算有女子抱匣波流守網少年推
奪其匣女又漂里餘值守網少年救免為婦前少年發匣得故
所聘釵悔之跡至後少年家爭婚女曰如若推而墜也曷有今
日官不能奪

薦福徐錫徵洛塘陸氏婿也錫徵初姓時里中老者某度於事
佛疾甚媪哭之老者聞目曰毋過慟我今往生徐氏某房尋媪
往問徐氏果聞兒啼聲哀少減

崇禎初王家現有婦生子有尾五六歲而殤陳家橋陳氏鷄雛

佚事

翼足俱四

陳太史倣真玄暉諸生時名箕一日闕將軍下箕稱陳長君云
遇鷄而發已酉遇牛而亨癸丑遇鼠而崩辛未吐月其叔勇直
書其名果不貴

天啟二年二月中暮見天樂導從燈幡繽紛若干百自西北漸
行西南可二十刻而沒郭店長安人並見不知其由

崇禎壬午 十一日夜雷雨游菴田間有坎而血蛇斃數十

並尺餘北五里曰五龍涇擊死少婦初夫婦異寢夫忽被揭至
外庭不由覺也仍衣履之第聞人語曰莫差莫差旦起視婦墮床下

東莊朱某專偽銀致饒給晚腹病孔流血不止藥之旋痲旋液

三年而沒益偽銀報也

縣治中相傳有鬼物閩中靜宇林公為令時得齋見一女子年
可十七八公不為動自後不時見之卒不為害後值臺使者按
部縣中各官俱從省命學博典守獄庫學博挈其少子同宿竟
為鬼物所祟隨其少子以出人有遙見其形者自此縣治寂然
學博亦密遣少子歸迄亦亡他 銷夏綴詮

長安鎮居民火災其家投簪飾等物於井中次早令人探取其
人入井久之不起眾呼之不應但見井底騰一如濃霧蓋火氣
先煽入其內一時即未散也眾設計力起其人肌肉多糜腐矣
此等事倉忙不察人所易犯故為記之 銷夏綴詮

南門外鎮海祠神座前花罇相傳每潮汛將來罇中輒有聲頗
稱靈異余視之質厚而細蓋舊龍泉窰也近以收藏不慎口趾

俱殘缺遂不復聞響銷夏絕詮

崇教寺門西民居有井云嘗有怪化女子幻惑人今石覆其上
林令恭章類試諸生祝以岱茅一儒士陸騏一第其年並捷
平湖趙司諭維寰丁卯卜科首葛徵奇唐午卜科首查大韶並
驗兩君神識殆無與匹

丙戌九月二十一日橫涇諸生顧鑪館陳氏夕寢聞叩門聲若
見老人挈出遠涉抵一公署儀仗甚肅聽訊群候或冠帶或衣
幘或既垢以次待判老人引從房徑入廡下求真役開櫃示以
冊其冊蠟紙印繒青裏浮簽曰浙杭海寧南里冊皆里人受生
公案也第三帙載鑪始末原名義一名鼎錫今名鑪初為謝小
娥適段居貞事見唐李紳傳中小娥來沒若干年至弘治間淨

方司冥熊某以小娥仗義轉生當男而貴列方司冥祁某以小
娥殺人宜仍婦而賤相持未決再訊於嘉靖六年至萬曆甲寅
二月晦司冥陸氏論定謂定計詭宜生姑蘊黃主簿家小娥以
前負未^朱繼明四十二金而繼明今為海寧南里顧氏乞嗣之遂
四月二十三日生終身事詳載又紀行簿載鑛二十歲後善否
福壽因之增減登記明備每三年^達奏上帝覽訖旁有叱者老
人急引別戒勿泄後事遂驚覺曰高春矣里人虞某於九月望
冥攝謹於城隍神將還令待橫涇顧秀才到同行後虞某訪相
質不爽

浙

樵李蔣石林名箕有思立居士降乩蓋成化時通判太倉桑悅
也題硤石山行曰東南名勝如指列峽山對峙標天闕六寺高

佚事

低金碧懸一澗中分弄晴雪浮圖八寶出杳冥呼吸可使通百
靈俯看邃壑積空翠白雲遮斷中峰青髯松拂天物色古枯根
瘦石烟霞鎖讀書臺畔明月窺疑是讀書人夜坐更聞仙翁葛
稚川曾於此處經餘年琉璃井榻埋靈藥金瓶素綆何能牽日
暮僧歸山徑僻丁丁伐木長林隔芳草深埋石闔雞松花落染
眠牛額石瀾灘頭揚素波白龍冷浸玉一壺路深小有避秦處
依々村落南岩孤劍痕不滅英雄墳古湫練澄光隱々石闔畫
掩上清家玉堂寶笈仙人近長楸下列誰者墳叢生荆棘碑無
文煢々碧磷羞照骨里人為指辟陽君與茲同慨張公宅晉代
衣冠塵土積奚止門前雀可栖響絕先光沉若為惜縱多白傅絕
人才登臨之事猶疑猜豈如馬湘化筇去洞口寒雲間往來山

崇水
紫皆險且何年五丁
修
峯
霧
蒼
蒼
夾
水
長
白
日
相
看

崇水海際皆險阻何年五丁修巨斧嵐霧蒼茫夫水長白日相看
亦如雨書法豪縱筆墨中具見狂奴故態自許云隻山自古未得
鉅章茲遇桑生一番品題拳石足不朽矣硃沆漁隱田徹奇其
事梓以行世

補遺

書

石墩孫妃菴云劉先主孫夫人間白帝城之變悲思傷悼南游
錢塘西山登其巔曰此處望見成都否歸道鹽官卒塋石墩土
人相傳如此當不其誣或孫權三女遺蹟也

元貞元中張與才嗣正一天師時潮嚙鹽官海鹽為患特甚與
才以術治之一夕大雷電以震明日見有物魚首龜形者磔於水

鹽官潮溢民田廬多沒杭州路總管府判官絳陽張仲儀憂之

以特牲禱於海神曰民非田不食非廬無以居神忍化為魚蟹
官邸即為魚蟹官神亦將何依恐神不自寧也神如識吾語海
波當帖、禱畢親沉石水中命從卒繼之未幾復海為地

嘉靖間金鄉楊挺高維齋在任駐劄羨餘絕不染指飲食服用
亦不以涉民衙中多隙地日課家童懇而藝之膳具惟瓜茄蔬
果一切取諸圃中勿外市也與鄉先生交際惟菜一二束瓜茄

數枚鄉先生重其品咸拜受比於重寶清名冠天下聞於朝入
覲世宗嘉之特賜銀牌一鐫云天下清官楊挺高公時手撫其
牌間置鼻端曰此銀獨香他家銀昏臭耳歷方伯家居蕭然四
壁邑人有候其家者見公褐襖檀帽課耕於野如老農然

雪序焚稿載其令平湖事以公嘗令吾寧持錄之嘉
靖志不及公嫌其近也公論其在人惡得民沒乎哉

碣石趙家匯宋初功臣真定郡王趙彥暉忠憲之後人所居也
遺像藏其家明朱太僕裡贊曰於戲忠憲世出博陸安喜廢車
蟬聯繼承建隆之世翊戴藝祖削平僭亂藉此威武始由宿衛
為帝親軍飛捷右廂策此奇勲金紫三公日侍幃幄節度信武
遙領控鶴爰分茅土於彼常山異姓之王金符載頌嘗聞仁者
其後乃大公喬綿文獻斯在式瞻遺像英爽猶存諒天眷其
誠故遐庇爾後昆也

浙江

五
圖

卷

朝

貴

新

精

浙江圖書館





浙江圖書館




浙江圖書館善本

乙 登記號：003693

一九 年 月 日




浙江圖書館





浙江圖書館



Centimetres

TIFFEN Color Control Patches

© The Tiffen Company, 2007

Blue Cyan Green Yellow Red Magenta White 3/Color Black